

## Sumáriu Kazu

### Tribunál Judisiál Primeira Instánsia Baukau

Marsu 2024

**Afirmasaun:** Sumáriu Kazu tuir mai ne'e deskreve faktu sira no prosesu iha Tribunál tuir JSMP nia monitorizasaun independente, no deklarasaun ne'ebé parte sira fó iha Tribunál nia laran. Informasaun ne'e la representa JSMP nia hanoin hanesan instituisaun ida.

JSMP kondena maka'as forma violénsia hotu-hotu, liuliu hasoru fetu no ema vulneravel. JSMP afirma la iha justifikasaun ba kualkér violénsia hasoru fetu.

### A. Sumáriu prosesu julgamentu kazu iha Tribunál Judisiál Primeira Instánsia Baukau

#### 1. Totál kazu ne'ebé JSMP monitoriza: 33<sup>1</sup>

Artigu	Tipu Kazu	Númeru
Artigu 145 Kódigu Penál (KP) & artigu 2, 3, no 35 letra (b), 36 Lei Kontra Violénsia Doméstika (LKVD)	Ofensa ba integridade física simples ho natureza violénsia doméstika (artigu 2 kona-ba conseitu violénsia doméstika, artigu 3 kona-ba relasaun família, artigu 35 kona-ba tipu krime violénsia doméstika (VD) sira no artigu 36 kona-ba krime sira violénsia doméstika nian hanesan krime públiku)	9
Artigu 154 KP, artigu 2, 3, 35 no 36 (LKVD)	Maus-tratus ba kónjuje	8
Artigu 2(nú.1(b), nú. 2(f)) no artigu 20(nú.1) hosi Lei Nú. 5/2017	Arma brankas	6
Artigu 145 Kódigu Penál (KP) & artigu 2, 3, no 35 letra (b), 36 (LKVD) no Artigu 2(nú.1(b), nú. 2(f)) no artigu 20(nú.1) hosi Lei Nú. 5/2017	Ofensa ba integridade física simples ho natureza violénsia doméstika no arma brankas	3

<sup>1</sup> Totál kazu 33 ne'e la representa totál kazu ne'ebé Tribunál Judisiál Primeira Instánsia Baukau julga iha fulan Marsu 2024

Artigu 145 Kódigu Penál (KP) & artigu 2, 3, 35 no 36 Lei Kontra Violénsia Doméstika (LKVD) no artigu 157 KP	Ofensa ba integridade fízika simples ho natureza violénsia doméstika no ameasa	1
Artigu 146 KP, artigu 258 KP no artigu 2(nú.1(b), nú. 2(f)) no artigu 20(nú.1) hosi Lei Nú. 5/2017	Ofensa ba integridade fízika grave, danu simples no arma brankas	1
Artigu 157 KP no artigu 2(nú.1(b), nú. 2(f)) no artigu 20(nú.1) hosi Lei Nú. 5/2017	Ameasa no arma brankas	1
Artigu 258 KP, 146 KP no artigu 2(nú.1(b), nú. 2(f)) no artigu 20(nú.1) hosi Lei Nú. 5/2017	Danu simples, ofensa ba integridade fízika grave no arma brankas	1
Artigu 140(1) KP	Omisídiu neglijente	1
Artigu 207 KP	Kondusaun sein karta	1
Artigu 252 aline 1 (d no j) KP	Furtu agravadu	1
<b>Totál</b>		<b>33</b>

## 2. Totál desizaun ne'ebé JSMP monitoriza: 30

Tipu desizaun	Artigu	Númeru
Pena prizaun	Artigu 66	2
Suspensaun ba prizaun nia ezekusaun	Artigu 68 KP	16
Pena multa	Artigu 67 KP	9
Suspensaun ba prizaun nia ezekusaun no indemnizasaun sivíl	Artigu 68 KP no 69 a	1
Suspensaun ba prizaun nia ezekusaun no Pena multa	Artigu 68 KP no Artigu 67 KP	1
Absolve		1
<b>Totál</b>		<b>30</b>

## 3. Totál kazu sira ne'ebé adia tuir JSMP nia monitorizasaun hamutuk: 3

## 4. Totál kazu ne'ebé sei kontinua prosesu tuir JSMP nia monitorizasaun hamutuk : 0

## **B. Deskrisaun sumáriu julgamentu ba desizaun kazu sira**

### **1. Krime ofensa ba integridade física simples ho natureza doméstika**

Nú. Prosesu	: 0023/22. VQLLT
Kompozisaun Tribunál	: Singulár
Juis	: Dr. José António d. Escurial
Prokuradór	: Dr. Ambrósio Rangel Freitas
Defeza	: Sidónio Maria Sarmiento
Desizaun	: Pena multa US\$30.00

Iha 01 Marsu 2024, Tribunál Judisiál Primeira Instánsia Baukau liuhosi julgamentu movel iha Munisípiu Vikeke, prezide leitura sentensa ba krime ofensa ba integridade física simples ho natureza VD ne'ebé envolve arguidu F hasoru nia feen, iha Munisípiu Vikeke.

#### **Akuzasaun Prokuradór**

Prokuradór akuza katak iha 22 Dezembru 2022, iha oras tuku 06:30 dadeer, arguidu tuku dala ida iha lezada nia kotuk laran, tuku dala rua iha lezada nia ulun, tuku dala rua iha lezada nia kanuruk. Antes ne'e, lezada haruka arguidu nia alin sira kuda hudi, depoisde kuda tiha hudi arguidu nia alin sira husu osan, maibé lezada la fó, nune'e arguidu ho lezada diskute malu to'o mosu agresaun ne'e.

Prokuradór akuza arguidu kontra artigu 145 KP kona-ba ofensa ba integridade física simples ho moldura penál to'o tinan 3 ka multa, konjuga ho artigu 2, 3(a), 35(b) no 36 LKVD.

#### **Produsaun ba prova sira**

Iha prosesu julgamentu, arguidu konfesa faktu hotu iha akuzasaun no deklara katak arrepende nia hahalok, di'ak malu ona ho lezada. Arguidu deklara liután katak serbisu hanesan agrikultór no rezultadu hosi vida agrikultór suficiente de'it hodi sustenta família.

Alende ne'e, lezada kontinua konfirma faktu hotu iha akuzasaun no deklara katak hafoin akontesimentu ne'e, sira di'ak malu ona no to'o agora arguidu la komete tan krime seluk hasoru lezada.

#### **Alegasaun finál**

Prokuradór haktuir katak arguidu provadu komete aktu ne'ebé konsta iha akuzasaun hasoru lezada nu'udar nia feen, nune'e atu prevene krime ne'e akontese tan iha futuru, husu ba tribunál atu kondena arguidu ho pena multa. Entretantu defeza haktuir katak arguidu konfesa faktu hotu iha akuzasaun, arrepende ninia hahalok no depoisde akontesimentu ne'e di'ak malu ona ho lezada, nune'e husu ba tribunál atu kondena arguidu ho pena ne'ebé justu.

#### **Desizaun**

Depoisde avalia faktu hotu, tribunál prova katak arguidu tuku dala ida iha lezada nia kotuk laran, tuku dala rua iha lezada nia ulun, tuku dala rua iha lezada nia kanuruk.

Bazeia ba faktu provadu sira ne'e no tetu mós ho sirkunstánsia atenuante sira hanesan arguidu konfesa, arrepende ninia hahalok, di'ak malu ona ho lezada, foin primeiravés mai hatan iha tribunál no nu'udar agrikultór rendimentu suficiente de'it hodi sustenta família, nune'e tribunál konklui prosesu ne'e no kondena arguidu ho pena multa US\$30.00 ne'ebé arguidu sei selu US\$1.00 kada loron durante loron 30. Tribunál mós fiksa pena alternativa ba arguidu durante loron 20 prizaun, bainhira arguidu la kumpri pena multa refere.

## **2. Krime maus-tratus ba kónjuje**

Nú. Prosesu : 0009/22. VQLLT  
Kompozisaun Tribunál : Koletivu  
Juis : Dra. Maria Modesta d. A. Viera, Dr. José António d. Escorial  
no Dra. Sribuana da Costa  
Prokuradór : Dr. Ambrósio Rangel Freitas  
Defeza : Dr. António Fernandes  
Desizaun : Pena prizaun tinan 1 suspende ba tinan 1

Iha 01 Marsu 2024, Tribunál Judisiál Primeira Instánsia Baukau liuhosi julgamentu movel iha Munisípiu Vikeke, prezide julgamentu leitura akordaun ba krime maus-tratus ba kónjuje ne'ebé envolve arguidu IHS hasoru nia feen, iha Munisípiu Vikeke.

### **Akuzasaun Prokuradór**

Prokuradór akuza katak iha 27 Juñu 2022, iha oras tuku 18:00 lokraik, arguidu tuku dala rua iha lezada nia kabaas parte karuk no iha oras tuku 23:00 kalan, arguidu lori fiu baku iha lezada nia kotuk laran, baku iha lezada nia hasan parte loos, baku iha lezada nia kabaas parte karuk, baku iha lezada nia kelen parte karuk no baku iha lezada nia ain parte karuk. Antes ne'e, arguidu deskonfia lezada iha relasaun domin ho mane seluk, nune'e sira diskute malu to'o mosu agresaun ne'e no depoisde akontesimentu ne'e arguidu ho lezada moris separa ona.

Antes ne'e, iha loron no fulan ne'ebé lezada haluha ona maibé iha tinan 2018, arguidu basa dala barak iha lezada nia hasan no tilun. Antes ne'e, arguidu deskonfia lezada iha relasaun domin ho mane seluk, nune'e sira diskute malu no mosu agresaun ne'e.

Iha loron no fulan ne'ebé lezada haluha maibé iha tinan 2019, arguidu basa dala barak iha lezada nia ulun no hasan. Antes ne'e, arguidu deskonfia lezada iha relasaun domin ho mane seluk, nune'e sira diskute malu no mosu agresaun ne'e.

Iha loron no fulan ne'ebé lezada haluha maibé iha tinan 2020, arguidu tuku

dala barak iha lezada nia ulun no hasan. Antes ne'e, arguidu deskonfia lezada iha relasaun domin ho mane seluk, nune'e sira diskute malu to'o mosu agresaun ne'e.

Iha loron no fulan ne'ebé lezada haluha maibé iha tinan 2021, arguidu tuku dala barak iha lezada nia kotuk laran, tebe dala ida iha lezada kotuk laran, uza fiu baku iha lezada nia kotuk laran no ain. Antes ne'e, arguidu deskonfia lezada iha relasaun domin ho mane seluk, nune'e sira diskute malu to'o mosu agresaun ne'e.

Iha loron no fulan ne'ebé lezada haluha maibé iha tinan 2022, arguidu uza ai baku dala barak iha lezada nia ulun no kotuk laran. Antes ne'e, arguidu deskonfia lezada iha relasaun domin ho mane seluk, nune'e sira diskute malu to'o mosu agresaun ne'e.

Prokuradór akuza arguidu kontra artigu 154 KP kona-ba maus-tratus ba kónjuje ho moldura penál tinan 2 to'o tinan 6 konjuga ho artigu 2, 3(a), 35(a) no 36 LKVD.

### **Produsaun ba prova sira**

Iha prosesu julgamentu, arguidu deklara katak faktu ne'ebé akontese iha tinan 2018 no 2019 no 2022 ne'e mak loos no arguidu halo agresaun ne'e hasoru lezada, tanba lezada deklara katak sira nia oan moras, tanba lezada halo relasaun seksuál ho mane seluk no iha akontesimentu iha tinan 2022 ne'e arguidu deklara katak lezada informa ba arguidu katak simu osan US\$450 hosi lezada nia amante. Enkuantu faktu ne'ebé akontese iha tinan 2020 no 2021 ne'e la loos hotu.

Entretantu lezada konfirma faktu hotu iha akuzasaun sira iha akuzasaun ne'ebé akontese iha tinan 2018 to'o iha 2022. Motivasaun problema, lezada konfirma totalmente ba arguidu nia deklarasaun no deklara liután katak depoisde akontesimentu ikus lezada diside moris separa ona ho arguidu to'o agora.

### **Alegasaun finál**

Prokuradór haktuir katak, arguidu konfesa parsialmente ba faktu sira iha akuzasaun no deklara katak halo agresaun hasoru lezada, tanba lezada iha relasaun ho mane seluk no bazeia ba artigu 56 KP alinea 2 (b) husu ba tribunál atu halo atenuasaun ekstraordináriu, nune'e husu tribunál atu kondena arguidu ba pena prizaun tinan ida suspende ba tinan ida.

Entretantu, defeza haktuir katak mezmú arguidu konfesa parsialmente no lezada mós deklara aberta katak lezada amante ho mane seluk, nune'e husu ba tribunál fó desizaun ne'ebé justu ba arguidu hodi prevene arguidu ninia hahalok ne'e iha futuru.

### **Desizaun**

Depoisde avalia faktu sira hotu, tribunál prova katak arguidu provadu komete krime maus-tartus ba konjuje maibé bazeia produsaun prova tribunal halo atenuasaun ekstraordinariu tuir artigu 56 KP alinea 2 (b). Bazeia ba faktu provadu sira ne'e no tetu mós ho sirkunstánsia hot-hotu ne'ebé haleu krime

ne'e, nune'e tribunál konklui prosesu ne'e no kondena arguidu ho pena prizaun tinan ida suspende ba tinan ida.

### **3. Krime maus-tratus ba kónjuje**

Nú. Prosesu : 0033/22. VQVQQ  
Kompozisaun Tribunál : Koletivu  
Juis : Dra. Maria Modesta d. A. Viera, Dr. José António d. Escorial  
no Dra. Sribuana da Costa  
Prokuradór : Dr. Ambrósio Rangel Freitas  
Defeza : Dr. António Fernandes  
Desizaun : Pena prizaun tinan 2 suspende ba tinan 2

Iha 01 Marsu 2024, Tribunál Judisiál Primeira Instánsia Baukau liuhosi julgamentu movel iha Munisípiu Vikeke, prezide julgamentu leitura akordaun ba krime maus-tratus ba kónjuje ne'ebé envolve arguidu EB hasoru nia feen (edital), iha Munisípiu Vikeke.

#### **Akuzasaun Prokuradór**

Prokuradór akuza katak iha 16 Jullu 2022, iha oras tuku 19:00 kalan, arguidu tebe dala ida iha lezada nia kotuk laran no rasta lezada nia fuuk, hafoin basa dala ida iha lezada nia matan laran parte karuk no dehan ba lezada katak atu tetak rahun tiha lezada. Antes ne'e, sira nia oan halimar mesak iha uma no lezada ba fali viziñu nia uma, nune'e sira diskute malu to'o mosu agresaun ne'e.

Antes ne'e, iha loran no fulan ne'ebé lezada haluha ona maibé iha tinan 2017, arguidu tebe dala ida iha lezada nia kotuk laran no basa dala ida iha lezada nia hasan.

Iha loran no fulan ne'ebé lezada haluha maibé iha tinan 2018, arguidu basa dala ida iha lezada nia hasan no tebe dala ida iha lezada nia kotuk laran.

Iha loran no fulan ne'ebé lezada haluha ona maibé iha tinan 2021, arguidu tebe dala ida iha lezada nia kotuk laran no basa dala ida iha hasan.

Prokuradór akuza arguidu kontra artigu 154 KP kona-ba maus-tratus ba kónjuje ho moldura penál tinan 2 to'o tinan 6 konjuga ho artigu 2, 3(a), 35(a) no 36 LKVD.

#### **Produsaun ba prova sira**

Iha prosesu julgamentu, arguidu deklarata katak faktu iha akuzasaun ne'e loos hotu, depoisde akontesimentu ne'e lezada sai hosi uma husik hela oan na'in rua no la fila uma to'o agora, akontese iha tinan 2017, 2018, 2021, akontese sira ne'e antes agresaun, arguidu ho lezada diskute malu kona-ba lezada halimar de'it telefone lakohi haree labarik sira.

#### **Alegasaun finál**

Prokuradór haktuir katak arguidu konfesa integralmente ba faktu hotu iha akuzasaun, arguidu halo tratamentu kruel hasoru lezada nu'udar nia feen tuir loloos arguidu mak proteze maibé pelo kontrariu arguidu mak halo fali agresaun

hasoru lezada, tanba ne'e husu ba tribunál atu kondena arguidu ho pena prizaun tinan rua suspende ba tinan rua.

Entretantu, defeza haktuir katak arguidu konfesa faktu hotu iha akuzasaun sein reserva no depoisde akontesimentu ne'e lezada mak sai hosi uma husik hela arguidu no oan na'in rua, nune'e husu ba tribunál atu fó pena ne'ebé justu ba arguidu.

#### **Desizaun**

Depoisde avalia faktu hotu, tribunál konsidera faktu hotu provadu. Bazeia ba faktu provadu sira ne'e no tetu mós ho sirkunstánsia atenuante sira hanesan arguidu konfesa, nune'e tribunál konklui prosesu ne'e no kondena arguidu ho pena prizaun tinan rua suspende ba tinan rua.

#### **4. Krime kondusaun sein karta**

Nú. Prosesu	: 0005/22. VQSTR
Kompozisaun Tribunál	: Singulár
Juis	: Dr. José António d. Escurial
Prokuradór	: Dr. Ambrósio Rangel Freitas
Defeza	: Dr. Sidónio Maria sarmento
Desizaun	: Pena multa US\$30.00

Iha 01 Marsu 2024, Tribunál Judisiál Primeira Instánsia Baukau liuhosi julgamentu movel iha Munisípiu Vikeke, prezide leitura sentensa ba krime kondusaun sein karta ne'ebé envolve arguidu Cristovao Amaral hasoru Estadu RDTL, iha Munisípiu Vikeke.

#### **Akuzasaun Prokuradór**

Prokuradór akuza katak iha 2 Marsu 2022, iha oras tuku 10:00 dadeer, apolinario kondus motor ho Nú. Matrikula 7277 TIs, hosi Vikeke atu ba Suku Luka, arguidu mós kondus motor KLX ho Nú. Matrikula 1251 TIs, arguidu kondus motor foti Apolinario nia dalan hodi soke Apolinario nia motor, arguidu kondus motor la iha karta kondusaun.

Prokuradór akuza arguidu kontra artigu 207 KP kona-ba kondusaun sein karta ho moldura penál to'o tinan 2 ka multa.

#### **Produsaun ba prova sira**

Iha prosesu julgamentu, arguidu konfesa faktu hotu iha akuzasaun no deklarata katak arrepende ninia hahalok no foin primeiravés mai hatan iha tribunál.

#### **Alegasaun finál**

Prokuradór haktuir katak arguidu provadu komete krime kondusaun sein karta ne'ebé Prokuradór akuza ba arguidu, tanba ne'e husu ba tribunál aplika pena multa ba arguidu.

Entretantu defeza haktuir katak arguidu konfesa faktu hotu iha akuzasaun, arrepende ninia hahalok, foin primeiravés mai hatan iha tribunál, tanba ne'e husu ba tribunál atu kondena arguidu ho pena ne'ebé kmaan.

## **Desizaun**

Depoisde avalia faktu hotu, tribunál prova katak arguidu kondus motor sein karta kondusaun. Bazeia ba faktu provadu sira ne'e no tetu mós ho sirkunstánsia atenuante sira hanesan arguidu konfesa, arrepende ninia hahalok no foin primeiravés mai hatan iha tribunál, nune'e tribunál konklui prosesu ne'e no kondena arguidu ho pena multa US\$30.00 ne'ebé arguidu sei selu US\$1.00 kada loron durante loron 30. Tribunál mós fiksa pena alternativa durante loron 20 prizaun, bainhira arguidu la kumpri pena multa refere.

### **5. Krime ofensa ba integridade física simples ho natureza VD**

Nú. Prosesu : 0022/23.BCLGA  
Kompozisaun Tribunál : Singulár  
Juis : Dr. José António d. Escurial  
Prokuradór : Dr. Bartolomeu de Araújo  
Defeza : Dr. António Fernandes  
Desizaun : Pena multa US\$30.00

Iha 19 Feveireiru 2024, Tribunál Judisiál Primeira Instánsia Baukau prezide julgamentu leitura sentensa ba krime ofensa ba integridade física simples ho natureza VD ne'ebé envolve arguidu AdC hasoru nia feen, iha Munisípiu Vikeke.

### **Akuzasaun Prokuradór**

Prokuradór akuza katak iha 02 Setembru 2023, iha oras tuku 04:30 madrugada, arguidu tuku dala ida iha lezada nia ulun parte karuk no tebe dala ida iha ulun parte karuk, nune'e halo lezada ta'uk no ba hato'o kedas keixa Polísia Eskuadra Laga. Antes ne'e, arguidu ho lezada diskute malu kona-ba arguidu deskonfia lezada iha relasaun domin ho mane seluk.

Prokuradór akuza arguidu kontra artigu 145 KP kona-ba ofensa ba integridade física simples ho moldura penál to'o tinan 3 ka multa konjuga ho artigu 2, 3(a), 35 (b) no 36 LKVD.

### **Produsaun ba prova sira**

Iha prosesu julgamentu, arguidu hili direitu nonook. Entretantu lezada konfirma faktu hotu iha akuzasaun no deklarata katak depoisde akontesimentu ne'e sira di'ak malu ona no to'o agora arguidu la baku ona lezada.

### **Alegasaun final**

Prokuradór haktuir katak mezmú arguidu hili direitu nonook, maibé lezada konfirma faktu hotu iha akuzasaun, nune'e prokuradór konsidera arguidu provadu komete krime ne'ebé inputa ba nia, tanba ne'e husu ba tribunál atu aplika pena multa.

Entretantu, defeza haktuir katak bazeia ba produsaun ba prova ne'ebé produs iha julgamentu husu ba tribunál atu kondena arguidu ho pena ne'ebé adekuadu.



## **Desizaun**

Depoisde avalia faktu hotu, tribunál prova katak arguidu tuku dala ida iha lezada nia ulun parte karuk no tebe dala ida iha lezada nia ulun parte karuk. Bazeia ba faktu provadu hirak ne'e, nune'e tribunál konklui prosesu ne'e no kondena arguidu ho pena multa US\$30.00 ne'ebé arguidu sei selu US\$1.00 kada loron durante loron 30. Tribunál mós fiksa pena alternativa durante loron 30 prizaun, bainhira arguidu la kumpri pena multa refere.

## **6. Krime ofensa ba integridade fizika simples ho natureza VD**

Nú. Prosesu : 0166/23. BCBCV  
Kompozisaun Tribunál : Singulár  
Juis : Dr. José António d. Escurial  
Prokuradór : Dr. Bartolomeu de Araújo  
Defeza : Dr. Germano Guterres Ramos  
Desizaun : Pena multa US\$30.00

Iha 05 Marsu 2024, Tribunál Judisiál Primeira Instánsia Baukau prezide leitura sentensa ba krime ofensa ba integridade fizika simples ho natureza VD ne'ebé envolve arguidu DMF hasoru nia feen, iha Munisípiu Baukau.

## **Akuzasaun Prokuradór**

Prokuradór akuza katak, iha loron no fulan ne'ebé la apura maibé iha tinan 2023, arguidu tuku dala ida iha lezada nia hirus matan, lori kapasete tuda dala ida iha lezada nia ulun no kontinua tuku dala ida iha lezada nia liman kabun.

Prokuradór akuza arguidu kontra artigu 145 KP kona-ba ofensa ba integridade fizika simples ho nia moldura penál to'o tinan 3 ka multa konjuga ho artigu 2, 3(a), 35 (b) no 36 LKVD.

## **Produsaun ba prova sira**

Iha prosesu julgamentu, arguidu deklara katak arguidu mós haluha ona maibé iha tinan 2023, arguidu basa dala ida iha lezada nia hasan, arguidu komete aktu ne'e tanba lezada joga karta ne'e mak halo arguidu moe. Arguidu deklara liután katak arrepende nia hahalok, foin primeiravés mai hatan iha tribunál no depoisde akontesimentu ne'e ho lezada moris separa ona, iha oan na'in ida arguidu nafatin konsidera lezada nu'udar nia feen, arguidu nu'udar motorista ba kareta *mikrolet* ho vensimentu kada fulan US\$200.00, arrepende ninia hahalok no foin primeiravés mai hatan iha tribunál

Alende ne'e, lezada kontinua konfirma faktu hotu iha akuzasaun no deklara katak depoisde akontesimentu ne'e sira moris separa ona to'o agora, mezmu nune'e lezada konsidera arguidu nafatin hanesan nia la'en.

## **Alegasaun finál**

Prokuradór haktuir katak mezmu arguidu konfesa parsialmente, maibé lezada kontinua konfirma faktu hotu iha akuzasaun, nune'e prokuradór konsidera akuzasaun prokuradór nian prosedente provadu, tanba ne'e husu ba tribunál atu kondena arguidu ho pena multa.

Entretantu, defeza haktuir katak, arguidu deklarada de'it faktu ne'ebé nia komete, arguidu nafatin konsidera lezada nu'udar nia feen, arrepende nia hahalok no foin primeiravés mai hatan iha tribunál, tanba ne'e husu ba tribunál atu aplika ne'ebé justu ba arguidu.

### **Desizaun**

Depoisde avalia faktu hotu, tribunál prova katak arguidu tuku dala ida iha lezada nia hirus matan, uza kapasete tuda dala ida iha lezada nia ulun no tuku dala ida iha liman kabun.

Bazeia ba faktu provadu sira ne'e no tetu mós ho sirkunstánsia atenuante sira hanesan arguidu konfesa, arrepende ninia hahalok, di'ak malu ona ho lezada, foin primeiravés mai hatan iha tribunál, nune'e tribunál konklui prosesu ne'e no kondena arguidu ho pena multa US\$30.00 ne'ebé arguidu sei selu US\$1.00 kada lora durante lora 30. Tribunál mós fiksa pena alternativa ba arguidu durante lora 30 prizaun, bainhira arguidu la kumpri pena multa refere.

### **7. Krime ofensa ba integridade física simples, danu simples no arma brankas**

Nú. Prosesu	: 0011/22. MNLCL
Kompozisaun Tribunál	: Koletivu
Juis	: Maria Modesta d. A. Viera, Dr. José António d. Escurial no Dra. Sribuana Costa, Dra.
Prokuradór	: Dr. Bartolomeu de Araújo
Defeza	: Dr. Grigório M.L. de Lima
Desizaun	: Pena prizaun tinan 1 suspende ba tinan 1 no indemnizasaun sivil

Iha 05 Marsu 2024, Tribunál Judisiál Primeira Instánsia Baukau prezide leitura akordaun ba krime ofensa ba integridade física simples, danu simples no arma brankas ne'ebé envolve arguidu JS hasoru lezadu NdC no DdC, iha Suku Uma kaduak, Postu Administrativu Laklo, Munisípiu Manatuto.

### **Akuzasaun Prokuradór**

Prokuradór akuza katak iha 10 Outubru 2022, iha oras tuku 02:00 madrugada, lezadu sira tuur iha sira ninia uma toka halimar muzika derepente arguidu mosu mai ho baliu taa lezadu DdC nia kuluna to'o kuluna nakfera arguidu kontinua taa baliu ba lezadu NdC nia matan fukun parte karuk hetan kanek no raan. Kuluna ne'ebé arguidu estraga ho folin US\$220.00, no lezadu NdC ba halo tratamentu ho osan US\$550.00 total prejuizu ho valor osan US\$770.00.

Prokuradór akuza arguidu kontra artigu 145 KP kona-ba ofensa ba integridade física simples ho moldura penál to'o tinan 3 ka multa no artigu 258 KP kona-ba danu simples ho moldura penál to'o tinan 3 ka multa no kontra artigu 2(nú.1(b), nú.2(f) no artigu 20(nú.1) hosi Lei Nú.5/2017 kona-ba Arte Marsiais, Rituais, Arma Brankas, Rama Ambon no Kinta Alterasaun Kódigu Penál.

### **Produsaun ba prova sira**

Antes tama ba produsaun ba prova sira, bazeia ba artigu 262 KPP kona-ba tentativa konsiliaaun, tribunál halo tentativa konsiliaaun ba arguidu no lezadu sira relasiona ho krime ofensa ba integridade fizika simples no danu simples tanba kazu ne'e klasifika nu'udar krime semi públiku no nia prosedimentu depende ba keixa.

Iha prosesu konsiliaaun ne'e arguidu deklara katak prontu atu selu fali lezadu DdC nia kuluna ho osan US\$100.00 no lezadu mós konkorda ho arguidu nia pedidu ne'e.

Iha prosesu konsiliaaun ne'e, lezadu DdC hakarak deziste nia keixa hasoru arguidu, bazeia ba konkordansia hosi parte rua ne'e, tribunál omologa keixa ne'e. Entretantu ba krime ofensa ba integridade fizika simples hasoru lezadu NdC lakohi deziste nune'e krime ofensa ba integridade fizika simples no arma brankas, tribunál kontinua ba prosesu julgamentu.

Iha prosesu julgamentu, arguidu deklara katak nia oan mate foin liu semana tolu no iha akontesimentu ne'e nia oan ida moras isin manas, lezadu sira toka muzika to'o tuku 2:00 madrugada, antes mós arguidu avizu ona ba sira katak toka neneik tanba nia oan moras, maibé lezadu sira la rona no nafatin toka muzika, nune'e arguidu nervozu lori baliu ba taa fera kuluna ida, kontinua uza baliu nia kotuk hodi baku lezadu NdC. Arguidu deklara liután katak arrepende ninia hahalok no foin primeiravés mai hatan iha tribunál.

Alende ne'e, lezadu Natalino deklara katak lezadu sira tuur suku hela rede ikan nian, hemu mós ho tua no akompaña mós ho muzika, maibé derepente arguidu mosu mai baku rahun kuluna no uza baliu nia kotuk hodi baku lezadu niaulun besik matan rezulta kanek no raan. Lezadu halo tratamentu no sosa ai-moruk ho osan US\$50.00, lezadu nia kanek ne'e kuaze fulan ida resin mak rekopera fali, lezadu nu'udar peskadór no durante fulan ida lezadu la halo nia serbisu hanesan peskadór. Lezadu deklara liután katak hanesan peskazor kada fulan bele hetan osan US\$350.00, nune'e total prejuizu hamutuk US\$400.00.

### **Alegasaun finál**

Prokuradór konsidera arguidu provadu komete krime ofensa ba integridade fizika simples hasoru lezadu NdC, tanba ne'e husu ba tribunál atu kondena arguidu ba pena prizaun fulan ida suspende ba tinan ida. Enkuantu objetu baliu ne'ebé arguidu uza ne'e la priense krime arma brankas, tanba ne'e husu ba tribunál atu absolve arguidu hosi prosesu ne'e.

Alende ne'e, defeza haktuir katak arguidu nu'udar ema iha sentimentu triste tanba nia oan mate no momentu ne'e mós oan ida moras tan no avizu ona ba lezadu sira dehan toka neneik, maibé lezadu sira nafatin toka muzika, nune'e halo arguidu nervozu hodi komete aktu ne'e hasoru lezadu sira. Arguiduarrepende ona ninia hahalok no foin primeiravés mai hatan iha tribunál, tanba ne'e husu ba tribunál fó pena ne'ebé adekuadu ba arguidu.

### **Desizaun**

Depoisde avalia faktu sira hotu, tribunál prova katak arguidu uza baliu baku lezadu nia ulun besik matan rezulta kanek no raan no la prova katak objetu ne'ebé arguidu uza ne'e la'os arma brankas.

Bazeia ba faktu provadu sira ne'e no tetu mós ho sirkunstánsia atenuante sira hanesan arguidu konfesa, arrepende nia hahalok no foin primeiravés mai hatan iha tribunál, nune'e ba krime arma brankas tribunál konklui prosesu ne'e hodi absolve arguidu hosi krime ne'e. Enkuantu ba krime ofensa ba integridade física simples tribunál konklui prosesu ne'e no kondena arguidu ho pena prizaun tinan ida suspende ba tinan ida no selu mós indemnizasaun sivil ba lezadu US\$200.00.

#### **8. Krime ofensa ba integridade simples ho natureza VD no arma brankas**

Nú. Prosesu	: 0001/19. MNLCL
Kompozisaun Tribunál	: Koletivu
Juis	: Dra. Sribuana da Costa, Dra. Maria Modesta d. A. Viera no Dr. José António d. Escurial
Prokuradór	: Dr. Bartolomeu de Araújo
Defeza	: Dr. Dr. Grigório M. L. de Lima
Desizaun	: Pena prizaun tinan 3 suspende ba tinan 3

Iha 05 Marsu 2024, Tribunál Judisiál Primeira Instánsia Baukau prezide leitura sentensa ba krime ofensa ba integridade física simples ho natureza VD no arma brankas ne'ebé envolve arguidu CBC hasoru nia feen LdCO no Estadu RDTL, iha Munisípiu Manatuto.

#### **Akuzasaun Prokuradór**

Prokuradór akuza katak iha 07 Jullu 2019, iha oras tuku 14:00 lokraik, arguidu kondus motor ho número matrikula N.3942 haree lezada hamrik ho arguidu nia amante (*selingkuh*), iha arguidu nia amante nia uma oin, arguidu para motor kaer lezada nia kakorok dudu rabat ba parede hun uma nian, arguidu hasai tudik husi nia pasta sona iha lezada nia kotuk laran. Antes ne'e iha 06 Jullu 2019, arguidu lori ona nia amante ba sira nia uma iha Metinaro hafoin lezada deskobre katak arguidu iha amante.

Prokuradór akuza arguidu kontra artigu 145 KP kona-ba ofensa ba integridade física simples ho moldura penál to'o tinan 3 ka multa konjuga ho artigu 2, 3(a), 35(b) no 36 LKVD no artigu 2(nú.1(b), nú.2(f) no artigu 20(nú.1) hosi Lei Nú.5/2017 kona-ba Arte Marsiais, Rituais, Arma Brankas, Rama Ambon no Kinta Alterasaun Kódigu Penál.

#### **Produsaun ba prova sira**

Iha prosesu julgamentu, arguidu konfesa sein rezerva ba iha akuzasaun no deklara katak arrepende ninia hahalok. Arguidu mós deklara katak amante duni (*selingkuh*), di'ak malu ona ho lezada, foin primeiravés mai hatan iha tribunál no depoisde akontesimentu ne'e la amante ona ho ema seluk no la baku ona lezada.

Alende ne'e, lezada continua konfirma faktu hotu iha akuzasaun no deklarata katak depoisde akontesimentu ne'e sira di'ak malu ona no to'o agora arguidu la baku ona lezada.

### **Alegasaun finál**

Prokurador haktuir katak, arguidu konfesa faktu ne'ebé imputa ba nia, lezada mós konfirma akuzasaun, nune'e atu prevene arguidu nia aktu ne'e iha futuru, husu ba tribunál atu kondena arguidu ho pena prizaun tinan tolu suspende ba tinan tolu.

Entretantu, defeza haktuir katak iha produsaun ba prova arguidu konfesa faktu ne'ebé imputa ba arguidu, arrepende nia hahalok, foin primeiravés mai hatan iha tribunál, nune'e husu ba tribunál atu fó pena ne'ebé adekua ba arguidu.

### **Desizaun**

Depoisde avalia faktu hotu, tribunál prova katak arguidu kaer lezada nia kakorok dudu rabat ba parede hun uma nian, arguidu hasai tudik husi nia pasta sona iha lezada nia kotuk laran.

Bazeia ba faktu provadu sira ne'e no tetu mós ho sirkunstánsia atenuante sira hanesan arguidu konfesa, arrepende nia hahalok, di'ak malu ona ho lezada no foin primeiravés mai hatan iha tribunál, nune'e tribunál konklui prosesu ne'e no kondena arguidu ho pena prizaun tinan tolu suspende ba tinan tolu.

### **9. Krime maus-tratus ba kónjuje**

Nú. Prosesu	: 0017/21. MNLLB
Kompozisaun Tribunál	: Koletivu
Juis	: Dra. Sribuana Costa, Dr. José António d. Escurial no Maria Modesta d. A. Viera
Prokuradora	: Dra. Remizia de Fátima da silva
Defeza	: Dr. Grigório M.L. de Lima
Desizaun	: Pena prizaun tinan 2 fulan 6 suspende ba tinan 3

Iha 05 Marsu 2024, Tribunál Judisiál Primeira Instánsia Baukau prezide julgamentu leitura akordaun ba krime maus-tratus ba kónjuje ne'ebé envolve arguidu JQS hasoru nia feen, iha Munisípiu Manatuto.

### **Akuzasaun Prokuradora**

Prokuradora akuza katak, iha loron ne'ebé la apura, maibé iha fulan Maiu 2021, iha oras ne'ebé mak la apura mós, arguidu basa dala rua iha lezada nia hasan parte loos no basa dala rua iha lezada nia hasan parte karuk, hafoin tuku dala rua iha lezada nia kabaas parte karuk. Antes ne'e, arguidu ho lezada diskute malu kona-ba arguidu ba tiha nia inan-aman nia uma, nune'e lezada ba tuir arguidu hodi haruka arguidu fila ba sira nia uma, nune'e mosu agresaun ne'e.

Tuir mai liutiha semana ida nafatin iha fulan Maiu 2021, iha oras tuku 17:00 lokraik, arguidu tebe dala rua iha lezada nia kotuk laran no tuku dala ida iha lezada nia hasan parte loos. Antes ne'e, lezada husu osan ba arguidu, maibé arguidu la fó, nune'e sira diskute malu to'o mosu agresaun ne'e.

Iha 21 Juñu 2021, iha oras tuku 16:00 lokraik, arguidu tuku dala haat iha lezada nia kabaas parte karuk, tebe dala ida iha lezada nia kabun, tuku dala tolu iha lezada nia ulun, hafoin kontinua buti lezada nia kakorok no riba lezada ba rai. Antes ne'e, arguidu deskonfia lezada iha relasaun domin ho mane selu, nune'e sira diskute malu to'o mosu agresau ne'e.

Prokuradora akuza arguidu kontra artigu 154 KP kona-ba maus-tratus ba kónjuje ho moldura penál tinan 2 to'o tinan 6 konjuga ho artigu 2, 3(a), 35(a) no 36 LKVD.

### **Produsaun ba prova sira**

Iha prosesu julgamentu, arguidu konfesa sein reserva ba faktu hotu iha akuzasaun no deklar katak arrepende ninia hahalok, foin primeravés mai hatan iha tribunál no depoisde akontesimentu ne'e sira moris separa ona.

Alende ne'e, lezada kontinua konfirma faktu hotu iha akuzasaun no deklar tan katak lakohi moris hamutuk ona ho arguidu, tanba arguidu sempre halo agresau hasoru lezada ne'e mak lezada diside moris separa ho arguidu.

### **Alegasaun finál**

Prokuradora haktuir katak arguidu konfesa integralmente ba faktu hotu iha akuzasaun sein rezerva no konfirma mós hosi lezada no lezada deklar tan katak lakohi moris hamutuk ona ho arguidu, tanba durante moris hamutuk arguidu sempre halo agresau hasoru lezada, tanba ne'e husu ba tribunál atu kondena arguidu ba pena prizaun tinan lima.

Entretantu, defeza haktuir katak iha produsaun ba prova arguidu konfesa faktu ne'ebé imputa ba arguidu, arrepende nia hahalok no foin primeiravés mai hatan iha tribunál, nune'e husu ba tribunál fó pena ne'ebé adekuadu ba arguidu.

### **Desizaun**

Depoisde avalia faktu sira hotu, tribunál konsidera faktu hotu iha akuzasaun ne'e provadu no arguidu nia aktu ne'e lezada diside moris separa hosi arguidu. Bazeia ba faktu provadu sira ne'e no tetu mós ho sirkunstánsia atenuante sira hanesan arguidu konfesa, arrepende ninia hahalok no foin primeiravés mai hatan iha tribunal, nune'e tribunál konklui prosesu ne'e no kondena arguidu ho pena prizaun tinan rua fulan neen suspende ba tinan tolu.

### **10. Krime arma brankas**

Nú. Prosesu	: 0160/22. BCBCV
Kompozisaun Tribunál	: Koletivu
Juis	: Dra. Maria Modesta d. A. Viera no Dr. José António d. no Escorial, Dra. Sribuana Costa
Prokuradora	: Dra. Remizia de Fátima da Silva
Defeza	: Dr. Laura Valenti Lay
Desizaun	: Pena prizaun tinan 3 supende ba tinan 3

Iha 06 Marsu 2024, Tribunál Judisiál Primeira Instánsia Baukau prezide julgamentu leitura akordaun ba krime arma brankas ne'ebé envolve arguidu

AdC hasoru Estadu RDTL, iha Suku Bukoli, Postu Administrativu Baukau Vila, Munisípiu Baukau.

### **Akuzasaun Prokuradora**

Prokuradora akuza katak iha 15 Outubru 2023, iha oras tuku 20:00 kalan, arguidu nia feen primeiru (testemuña) simu telefone hosi arguidu nia feen sigundu, arguidu rona sira na'in rua insulta malu iha telefone laran, nune'e arguidu lori katana duni tuir testemuña, testemuña ta'uk halai ba subar tiha, la to'o iha ne'e de'it arguidu kontinua foti tan dima ho dehan "*oho tiha mak ba komarka*," nune'e lezada halai ba subar tiha iha viziñu nia uma.

Prokuradora akuza arguidu kontra artigu 2(nú.1(b), nú. 2(f)) no artigu 20(nú.1) hosi Lei Nú. 5/2017 kona-ba Arte Marsiais, Rituais, Armas Brankas, Rama Ambon no Kinta Alterasaun Kódigu Penál.

### **Produsaun ba prova sira**

Iha prosesu julgamentu, arguidu deklara katak iha akontesimentu ne'e arguidu nia feen primeiru no segundu insulta malu liuhosi telefone no bainhira arguidu fila hosi toos kaer hela ho katana, nune'e lezada haree arguidu lezada halai no arguidu la lori katana duni lezada.

Testemuña nu'udar arguidu nia feen primeiru depoimenta katak, arguidu rona testemuña ho arguidu nia feen segundu insulta malu liuhosi telefone, nune'e arguidu kaer katana la'o tun sei iha lezada nia oin halo testemuña ta'uk no halai ba subar tiha.

### **Alegasaun finál**

Prokuradora haktuir katak, akuzasaun prokurador prosedente provadu katak arguidu lori katana hodi duni no ameaasa lezada. Tanba ne'e husu ba tribunál atu kondena arguidu ba pena prizaun tinan tolu suspende ba tinan tolu.

Entretantu, defeza haktuir katak arguidu nu'udar agrikultór bainhira fila hosi toos kaer ho katana no banhira testemuña haree arguidu, testemuña halai, maibé laos arguidu mak duni testemuñ, nune'e defeza konsidera faktu ne'ebé akuza ba arguidu la provadu, tanba ne'e husu ba tribunál atu absolve arguidu hosi prosesu ne'e.

### **Desizaun**

Depoisde avalia faktu hotu, tribunál prova katak arguidu lori katana duni tuir testemuña, testemuña ta'uk halai ba subar tiha, la to'o iha ne'e de'it arguidu kontinua foti tan dima ho dehan "*oho tiha mak ba komarka*."

Bazeia ba faktu provadu hirak ne'e, nune'e tribunál konklui prosesu ne'e no kondena arguidu ho pena prizaun tinan tolu suspende ba tinan tolu.

### **11. Krime arma brankas**

Nú. Prosesu : 0003/22. MNLLB  
Kompozisaun Tribunál : Koletivu  
Juis : Dra. Sribuana Costa, Dr. José António d. Escurial no Dra. Maria Modesta d. A. Viera

Prokuradora : Dra. Remizia de Fátima da Silva  
Defeza : Dr. Laura Valenti Lay  
Desizaun : Pena prizaun tinan 3 suspende ba tinan 3

Iha 05 Marsu 2024, Tribunál Judisiál Primeira Instánsia Baukau prezide leitura akordaun ba krime arma brankas ne'ebé envolve arguidu Lucas de Jesus Caldeira hasoru Estadu RDTL, iha Suku Fatumakerek, Postu Administrativu Laklubar, Munisípiu Manatuto.

### **Akuzasaun Prokuradora**

Prokuradora akuza katak iha 23 Janeiru 2022, iha oras tuku 11:00 meuidia, arguidu no testemuña nia karau tama ema nia to'os hodi han ai-horis iha to'os laran, nune'e arguidu ho testemuña diside testemuña mak atu haree karau no arguidu mak hadia karau luhan, iha akontesimentu ne'e arguidu no testemuña ho kondisaun lanu, nune'e sira na'in rua la intende malu hodi diskute malu, arguidu foti katana taa dala ida iha testemuña nia liman fuan rua parte liman loos, rezulta kanek no raan.

Prokuradora akuza arguidu kontra artigu 2(nú.1(b), nú. 2(f)) no artigu 20(nú.1) hosi Lei Nú. 5/2017 kona-ba Arte Marsiais, Rituais, Armas Brankas, Rama Ambon no Kinta Alterasaun Kódigu Penál.

### **Produsaun ba prova sira**

Iha prosesu julgamentu, arguidu deklara katak faktu sira akuzasaun ne'e loos hotu, arguidu deklara liután katak arguidu no testemuña nia karau tau hamutuk iha luhan ida de'it, sira nai'in rua tuur hemu hela tua ho kondisaun lanu diskute malu kona-ba sira nia karau tama ema nia to'os, arrepende ninia hahalok, di'ak malu ona ho testemuña no foin primeiravés mai hatan iha tribunál.

Depoizde rona deklarasaun hosi arguidu, prokuradór husu ba tribunál atu presinde tiha depoimentu hosi testemuña ho konsiderasaun katak arguidu konfesa faktu hotu iha akuzasaun nune'e prova suficiente ona. Relasiona ho pedido ne'e, defeza laiha opozisaun. Ho nune'e, tribunál mós presinde tiha testemuña nia depoimentu ka la rona ona testemuña nia depoimentu.

### **Alegasaun finál**

Prokuradora haktuir katak, faktu hotu iha akuzasaun provadu bazeia ba konfisaun arguidu nian no arguidu transforma katana nia funsaun hodi halo kanek testemuña, tanba ne'e husu ba tribunál atu kondena arguidu ho pena prizaun tinan tolu suspende ba tinan tolu.

Entretantu, defeza husu ba tribunál atu kondena arguidu ho pena ne'ebé justu ho konsiderasaun katak, arguidu konfesa, arrepende ninia hahalok no foin primeiravés mai hatan iha tribunál.

### **Desizaun**

Depoizde avalia faktu sira hotu, tribunál prova katak arguidu utiliza katana hodi komete krime. Bazeia ba faktu provadu hirak ne'e no tetu mós ho sirkunstánsia atenuante sira hanesan arguidu konfesa, arrepende ninia hahalok no foin primeiravés mai hatan iha tribunál, nune'e tribunál konklui prosesu ne'e no kondena arguidu ho pena prizaun tinan tolu suspende ba tinan tolu.



## 12. Krime ofensa ba integridade fízika grave, danu simples no arma brankas

Nú. Prosesu	: 0023/21. MNLLB
Kompozisaun Tribunál	: Koletivu
Juis	: Dra. Sribuana Costa, Dr. José António d. Escurial no Dra. Maria Modesta d. A. Viera
Prokuradora	: Dra. Remizia de Fátima da Silva
Defeza	: Dr. Grigório M.L. de Lima
Desizaun	: Pena prizaun tinan 5

Iha 06 Marsu 2024, Tribunál Judisiál Primeira Instánsia Baukau prezide leitura akordaun ba krime ofensa ba integridade fízika grave, danu simples no arma brankas ne'ebé envolve arguidu MS hasoru lezadu BA (nu'udar banin mane), lezada B (nu'udar banin fetu) no Estadu RDTL, iha Suku Sananain, Postu Administrativu Laklubar, Munisípiu Manatuto.

### Akuzasaun Prokuradora

Prokuradora akuza katak iha 28 Agostu 2021, iha oras ne'ebé la apura, arguidu ho nia kaben diskute malu kona-ba problema família arguidu nervozu estraga tiha vidru jenela uma nian hamutuk haat, kadeira masa tolu no belador ida.

Tuir mai iha 29 Agostu 2021, iha oras tuku 15:00 lokraik, bainhira lezadu BA no lezada B fila hosi to'os to'o uma haree arguidu estraga no baku rahun sasan ne'ebé temi ona iha leten, nune'e lezadu no lezada dehan ba arguidu "*ó ba ona ó nia rai*", rona tiha liafuan ne'e arguidu lori katana taa kedas lezadu BA nia ulun no taa dala ida iha lezada B nia kabaas parte karuk.

Prokuradora akuza arguidu kontra artigu 258 KP kona-ba danu simples ho nia moldura penál to'o tinan 3 ka multa, artigu 146 (e) KP kona-ba ofensa ba integridade fízika grave ho nia moldura penál tinan 2 to'o tinan 8 no artigu 2(nú.1(b), nú. 2(f)) no artigu 20(nú.1) hosi Lei Nú. 5/2017 kona-ba Arte Marsiais, Rituais, Armas Brankas, Rama Ambon no Kinta Alterasaun Kódigu Penál.

### Produsaun ba prova sira

Bazeia ba artigu 262 (1) Kódigu Prosesu Penál (KPP) kona-ba tentativa konsiliaun ba arguidu ho lezadu sira, nune'e antes tama ba julgamentu produsaun ba prova, juis halo tentativa konsiliaun ba arguidu ho lezadu no lezada relasiona ho krime danu simples tanba kazu ne'e klasifika nu'udar krime semi públiku no nia prosedimentu depende ba keixa. lezadu, lezada no arguidu konkorda atu konsilia nune'e, tribunál halo prosesu konsiliaun.

Iha prosesu konsiliaun ne'e, lezadu no lezada hakarak deziste sira nia keixa hasoru arguidu no arguidu mós konkorda. Bazeia ba konkordánsia hosi parte rua, tribunál omologa pedidu dezisténsia keixa ne'e.

Entretantu ba krime ofensa ba integridade fízika grave no arma brankas, tribunál kontinua ba prosesu julgamentu.

### **Produsaun ba prova sira**

Iha prosesu julgamentu, arguidu konfesa faktu hotu iha akuzasaun, arrepende ninia hahalok no husu ona diskulpa ba lezadu no lezada no di'ak malu ona ho lezadu no lezada, foin primeiravés mai hatan iha tribunál. Arguidu mós deklara katak fó ona osan US\$400.00 no bibi ida.

Alende ne'e, lezadu kontinua konfirma faktu hotu iha akuzasaun no deklara katak iha akontesimentu ne'e lezadu konsege baixa iha Óspital Nasionál Guido Valadares Dili, kuaze semana ida mak alta fali, di'ak malu ona no arguidu husu ona diskulpa ba lezadu no fó ona osan US\$400.00 no bibi ida.

Lezada B nu'udar arguidu nia banin feto deklara katak arguidu ho nia feen istori malu mak lezadu BA ko'alia netik derepente arguidu taa lezadu BA ne'e mak lezada ba hakuak netik arguidu fila taa fali lezada B nia kabaas parte karuk no lezada konsege baixa iha Óspital Manatuto kuaze semana ida mak alta fali, di'ak malu ona ho arguidu no arguidu husu ona diskulpa ba lezada no lezadu no fó mós ho osan US\$400.00 no bibi ida.

### **Alegasaun finál**

Prokuradora haktuir katak iha produsaun ba prova arguidu konfesa faktu hotu iha akuzasaun no konfirma mós hosi lezada no lezadu, prokuradór haktuir liután katak laiha razaun atu arguidu taa lezadu no lezada, tanba iha akontesimentu ne'e arguidu problema ho nia feen, maibé taa fali lezadu no lezada. Nune'e Prokuradór konsidera arguidu provadu komete krime ofensa ba integridade fízika grave rua no krime arma brankas. Krime ne'ebé hasoru lezadu BA husu tribunál atu kondena arguidu ho pena prizaun tinan tolu no krime ne'ebé arguidu komete hasoru lezadu B husu ba tribunál atu kondena arguidu ho pena prizaun tinan rua. Enkuantu ba krime arma brankas husu ba tribunál atu kondena arguidu ho pena prizaun tinan tolu no pena úniku tinan hitu kadeia.

Entretantu, defeza haktuir katak arguidu konfesa faktu hotu iha akuzasaun, arrepende ninia hahalok no husu ona diskulpa ba lezadu no lezada, di'ak malu ona ho lezadu no lezada no foin primeiravés mai hatan iha tribunál. Arguidu mós deklara katak fó ona osan US\$400.00 no bibi ida ba lezadu no lezada, nune'e husu ba tribunál atu kondena arguidu ho pena ne'ebé adekuadu.

### **Desizaun**

Depoisde avalia faktu sira hotu, tribunál prova katak arguidu provadu komete krime ofensa ba integridade fízika grave hasoru lezadu no lezada no krime arma brankas.

Bazeia ba faktu provadu sira ne'e no tetu mós ho sirkunstánsia hot-hotu ne'ebé haleu krime ne'e, nune'e tribunál konklui prosesu ne'e no kondena arguidu ho pena prizaun tinan lima.

### **13. Krime ofensa ba integridade fízika simples ho natureza VD no ameasa**

Nú. Prosesu : 0037/23. MNMNT  
Kompozisaun Tribunál : Singulár  
Juis : Dra. Sribuana da Costa  
Prokuradora : Dra. Remizia de Fátima da Silva  
Defeza : Dra. Laura Valenti Lay  
Desizaun : Pena multa US\$30.00

Iha 06 Marsu 2024, Tribunál Judisiál Primeira Instánsia Baukau prezide julgamentu leitura sentensa ba krime ofensa ba integridade fizika simples ho natutreza VD no ameasa ne'ebé envolve arguidu SMS hasoru nia feen, iha Munisípiu Manatuto.

### **Akuzasaun Prokuradora**

Prokuradór akuza katak iha 18 Maiu 2023, iha oras tuku 13:00 meiodia, arguidu foti belador masa baku dala ida iha lezada nia ulun, no ameasa lezada nune'e "*orsida ó nia ulun kotu*". Antes ne'e, arguidu ho lezada diskute malu kona-ba lezada dehan ba arguidu katak "arguidu hemu de'it tua no lakohi halo serbisu, to'o mosu agresaun ne'e."

Prokuradora akuza arguidu kontra artigu 175 KP kona-ba ameasa ho moldura penál to'o tinan 1 ka multa no artigu 145 KP kona ofensa ba integridade fizika simples ho moldura penál to'o 3 ka multa no artigu 2, 3(a), 35(b) no 36 LKVD.

### **Produsaun ba prova sira**

Bazeia ba artigu 262 (1) Kódigu Prosesu Penál (KPP) kona-ba tentativa konsiliaun ba arguidu ho lezadu sira, nune'e antes tama ba julgamentu produsaun ba prova, juis halo tentativa konsiliaun ba arguidu ho lezada relasiona ho krime ameasa tanba kazu ne'e klasifika nu'udar krime semi públiku no nia prosedimentu depende ba keixa lezada no arguidu konkorda atu konsilia nune'e, tribunál halo prosesu konsiliaun.

Iha prosesu konsiliaun ne'e, lezada hakarak deziste nia keixa hasoru arguidu no arguidu mós konkorda. Bazeia ba konkordánsia hosi parte rua, tribunál omologa pedidu dezisténsia keixa ne'e.

### **Produsaun ba prova sira**

Iha prosesu julgamentu, arguidu deklara katak faktu hotu iha akuzasaun ne'e loos hotu, iha akontesimentu ne'e depoisde halo tiha agresaun hasoru lezada, arguidu foti mina kose fali ba lezada nia isin ne'ebé moras, di'ak malu ona no arrepende ninia hahalok no foin primeiravés mai hatan iha tribunál.

Alende ne'e, lezada kontinua konfirma faktu hotu iha akuzasaun no konfirma mós ho arguidu ninia deklarasaun.

### **Alegasaun finál**

Prokuradora haktuir katak arguidu konfesa faktu hotu ne'ebé imputa ba arguidu no lezada mós konfirma ho akuzasaun, nune'e husu ba tribunál atu kondena arguidu ho pena admoestasaun. tuir konviksaun tribunál nian. Entretantu, defeza haktuir katak iha produsaun ba prova arguidu konfesa faktu hotu iha akuzasaun, arrepende ba ninia hahalok, di'ak malu ona ho lezada no

foin primeiravés mai hatan iha tribunál, tanba ne'e husu ba tribunál atu fó pena admoestasaun ba arguidu.

### **Desizaun**

Depoizde avalia faktu sira hotu, tribunál prova katak arguidu foti belador masa baku dala ida iha lezada nia ulun. Bazeia ba faktu provadu hirak ne'e no tetu mós ho sirkunstánsia atenuante sira hanesan arguidu konfesa, arrepende ninia hahalok, di'ak malu ona ho lezada no foin primeiravés mai hatan iha tribunál, nune'e tribunál konklui prosesu ne'e no kondena arguidu ho pena multa US\$30.00, ne'ebé arguidu sei selu 0,50 sentavus kada loron durante loron 60. Tribunál mós fiksa pena alternativa durante loron 40 prizaun, bainhira arguidu la kumpri pena multa refere.

### **14. Krime ofensa ba integridade fízika simples ho natureza VD no arma brankas**

Nú. Prosesu	: 0010/22. VQSIC
Kompozisaun Tribunál	: Koletivu
Juis	: Dra. Maria Modesta d. A. Viera, Dr. José António d. Escurial no Dra. Sribuana da Costa
Prokuradór	: Dr. Ambrósio Rangel Freitas
Defeza	: Dr. Sidónio Maria Sarmiento
Desizaun	: Pena prizaun tinan 3 suspende ba tinan 3

Iha 07 Marsu 2024, Tribunál Judisiál Primeira Instánsia Baukau prezide julgamentu leitura akordaun ba krime ofensa ba integridade fízika simples ho natureza VD no arma brankas ne'ebé envolve arguida TV hasoru nia la'en no Estadu RDTL, iha Munisípiu Vikeke.

### **Akuzasaun Prokuradór**

Prokuradór akuza katak iha 26 Juñu 2022, iha oras tuku 19:00 kalan, arguida lori fatuk tuda dala ida iha lezadu nia ain kabun parte loos no tuda dala ida iha lezadu nia liman kabun parte loos, hafoin arguida lori katana taa dala ida iha lezadu nia ulun parte klaran. Antes ne'e, arguidu ho lezada diskute malu kona-ba lezadu tama uma kalan boot.

Prokuradór akuza arguidu kontra artigu 145 KP kona-ba ofensa ba integridade fízika simples ho moldura penál to'o tinan 3 ka multa, konjuga ho artigu 2, 3(a), 35(b) no 36 LKVD no artigu 2(nú.1(b), nú. 2(f)) no artigu 20(nú.1) hosi Lei Nú. 5/2017 kona-ba Arte Marsiais, Rituais, Armas Brankas, Rama Ambon no Kinta Alterasaun Kódigu Penál.

### **Produsaun ba prova sira**

Iha prosesu julgamentu, arguidu deklara katak faktu iha akuzasaun ne'e loos hotu, arrepende ona nia hahalok no di'ak malu ona ho lezadu. Arguida deklara liután katak komete aktu ne'e hasoru lezadu ho ninia motivaun katak lezadu ho kondisaun lanu tama uma kalan depois atu sobu fali uma ne'e mak arguida hirus hodi halo agresaun, antes ne'e arguida mós halo ona agresaun hasoru

lezadu arguida no arguida mai hatan ona iha tribunál no hetan ona kondensasaun ho pena multa US\$30.00.

Alende ne'e, lezadu konfirma faktu hotu iha akuzasaun no deklarasaun tan katak antes ne'e arguida baku ona lezadu no ba kazu ne'e tribunál kondena ona arguidu ho pena multa US\$30.00. Lezadu akresenta liután katak depoisde akontesimentu ne'e sira di'ak malu ona no to'o agora arguida la baku ona lezadu.

### **Alegasaun finál**

Prokuradór haktuir katak bazeia ba arguida nia deklarasaun no lezada nia konfirmasaun ba akuzasaun, arguida provadu komete krime rua ne'ebé imputa ba arguida no arguida la hatudu ninia arpedementu hodi nafatin komete krime hasoru lezadu ne'ebé nu'udar arguida nia la'en, tanba ne'e husu ba tribunál atu kondena arguidu ho pena prizaun tinan tolu suspende ba tinan tinan tolu.

Entretantu, defeza haktuir katak aktu ne'e akontese tanba lezadu tama uma kalan ho kondisaun lanu depois tebe odamatan ne'e mak arguida halo agresaun hasoru lezadu, arguida mós arrepende ona nia hahalok no di'ak malu ona ho lezadu, tanba ne'e husu ba tribunál atu fó pena ne'ebé kmaan ba arguida.

### **Desizaun**

Depoisde avalia faktu sira hotu, tribunál prova katak arguida lori fatuk tuda dala ida iha lezadu nia ain-kabun parte loos no tuda dala ida iha lezadu nia liman kabun parte loos no uza katana taa dala ida iha lezadu nia ulun parte klaran. Bazeia ba faktu provadu hirak ne'e no tetu mós ho sirkunstánsia atenuante sira hanesan arguida konfesa, arrepende ninia hahalok, di'ak malu ona ho lezadu, nune'e tribunál konklui prosesu ne'e no kondena arguida ho pena prizaun tinan tolu suspende ba tinan tolu.

## **15. Krime ofensa ba integridade fízika simples ho natureza VD no ameasa**

Nú. Prosesu	: 0021/22. VQLLT
Kompozisaun Tribunál	: Singulár
Juis	: Dr. José António d. Escurial
Prokuradór	: Dr. Julio da Silva Correia
Defeza	: Dr. Sidónio Maria Sarmiento
Desizaun	: Pena multa US\$30.00

Iha 11 Marsu 2024, Tribunál Judisiál Primeira Instánsia Baukau prezide julgamentu leitura sentensa ba krime ofensa ba integridade fízika simples ho natureza VD no ameasa ne'ebé envolve arguidu AP hasoru nia feen, iha Munisípiu Vikeke.

### **Akuzasaun Prokuradór**

Prokuradór akuza katak iha 13 Novembru 2022, iha oras tuku 02:00 madrugada, arguidu tebe dala ida iha lezada nia kotuk laran no ameasa atu sona mate lezada ho lezada nia aman. Antes ne'e, arguidu kous sira nia oan

halai tiha mak lezada hakilar dehan arguidu naok labarik no lezada halai tuir to'o uma, nune'e mosu agresan ne'e.

Prokurador akuza arguidu kontra artigu 157 KP kona-ba ameasa ho moldura penal to'o tinan 1 ka multa no artigu 145 KP kona-ba ofensa ba integridade fizika simples ho moldura penal to'o tinan 3 ka multa, konjuga ho artigu 2, 3(a), 35(b) no 36 LKVD.

### **Produsaun ba prova sira**

Bazeia ba artigu 262 (1) Kodigo Prosesu Penal (KPP) kona-ba tentativa konsiliaun ba arguidu ho lezada, nune'e antes tama ba julgamentu produsaun ba prova, juis halo tentativa konsiliaun ba arguidu ho lezada relasiona ho krime ameasa tanba kazu ne'e klasifika nu'udar krime semi publiku no nia prosedimentu depende ba keixa lezada no arguidu konkorda atu konsilia nune'e, tribunál halo prosesu konsiliaun.

Iha prosesu konsiliaun ne'e, lezada hakarak deziste nia keixa hasoru arguidu. Bazeia ba konkordansia hosi parte rua ne'e, tribunál omologa keixa ne'e. Entretantu, ba krime ofensa ba integridade fizika simples ho natureza violensia domestik, tribunál kontinua ba prosesu julgamentu.

Iha prosesu julgamentu, arguidu deklar katak faktu sira iha akuzasaun ne'e loos hotu, depoisde akontesimentu ne'e sira moris separa ona, arrepende ona ninia hahalok no foin primeiraves mai hatan iha tribunál.

Alende ne'e, lezada mos konfirma faktu sira iha akuzasaun no deklar katak depoisde akontesimentu ne'e sira rezolve ona problema ne'e, mezmu nune'e sira moris separa ona.

### **Alegasaun final**

Prokurador haktuir katak mezmu sira di'ak malu maibe la moris hamutuk iha uma ida maibe nafatin halo prevensaun ba arguidu nia konduta iha futuru husu ba tribunál kondena arguidu ba pena prizaun tinan ida suspende ba tinan ida.

Alende ne'e defeza haktuir katak arguidu konfesa faktu ne'ebe konstitui ba krime, arrepende ona ninia hahalok, foin primeiraves halo agresan hasoru lezada, tanba ne'e husu ba tribunál aplika pena ne'ebe kmaan ba arguidu.

### **Desizaun**

Depoisde avalia faktu sira hotu, tribunál prova katak arguidu tebe dala ida iha lezada nia kotuk laran.

Bazeia ba faktu provadu sira ne'e no tetu mos ho sirkunstansia atenuante sira hanesan arguidu konfesa integralmente, kolabora ho tribunál, foin primeiraves mai hatan iha tribunál, nune'e tribunál konklui prosesu ne'e no kondena kada arguidu ho pena multa US\$30.00, ne'ebe arguidu sei selu 0.50 kada loran durante loran 60. Tribunál mos fiksa pena alternativa ba arguidu durante loran 40 prizaun, bainhira arguidu la kumpri pena multa refere.

## **16. Krime ofensa ba integridade fizika simples ho natureza VD**

Nú. Prosesu : 0010/22. MNLCL  
Kompozisaun Tribunál : Koletivu  
Juis : Dra. Sribuana da Costa no Dr. José António d.  
Escurial no Maria Modesta d. A. Viera  
Prokuradora : Dra. Remizia de Fátima da Silva  
Defeza : Dr. Grigório M. L. de Lima  
Desizaun : Pena multa US\$60.00

Iha 12 Marsu 2024, Tribunál Judisiál Primeira Instánsia Baukau prezide julgamentu leitura sentensa ba krime maus-tratus ba kónjuje ne'ebé envolve arguidu CBC hasoru nia feen, iha Munisípiu Manatuto.

### **Akuzasaun Prokuradora**

Prokuradór akuza katak, iha data ne'ebé la apura maibé iha Abril 2019, arguida uza martelu baku dala ida iha lezada nia liman sikun parte karuk.

Iha 01 Setembru 2019, iha oras tuku 12:00 meiodia, lezada fila hosi serbisu arguidu tebe dala iha lezada nia hirus matan no lori liman sikun fai dala ida iha lezada nia ulun.

Iha 05 Outubru 2019, iha oras tuku 08:27 dadeer, arguidu haruka video ida ba lezada hodi hatudu kona-ba lezada nia dokumentu ne'ebé arguidu estraga. Durante moris hamutuk arguidu sempre trata lezada ho liafuan ne'ebé ladi'ak halo lezada sente moe.

Prokuradór akuza arguidu kontra artigu 154 KP kona-ba maus-tratus ba kónjuje ho moldura penál tinan 2 to'o tinan 6 konjuga ho artigu 2, 3(a), 35(a) no 36 LKVD.

### **Produsaun ba prova sira**

Iha prosesu julgamentu, arguidu deklara katak akontese iha Abril 2019, lezada istori malu ho arguidu nia inan, nune'e arguidu hirus foti martelu lezada haree arguidu foti martelu lezada halai mak monu iha baleta, rezulta lezada nia liman kanek no la'os arguidu mak baku lezada no problema ne'e sira rezolve ona. Entretantu faktu ne'ebé akontese iha 01 Setembru 2019, faktu sira ne'e loos hotu, kazu ne'e akontese arguidu husu ba lezada nune'e "ó selingku karik ko'alia loloos de'it," maibé lezada nonook deit nune'e arguidu halo agresaun hasoru lezada. Kona-ba akontesimentu iha 05 Outubru 2019, tanba arguidu rona lezada amante ho mane seluk, nune'e arguidu habosok tau suratahan hamutuk mak sunu no halo video mak haruka ba lezada la'os sunu lezada nia dokumentu. Arguidu deklara liután katak arrepende ninia hahalok, foin primeiravés mai hatan iha tribunál, di'ak malu ona ho lezada no to'o agora arguidu la baku ona lezada.

Alende ne'e, lezada deklara katak akontese iha fulan Abril 2019, lezada istori malu ho arguidu nia inan, tanba arguidu nia inan dehan lezada halai tuir mane dehan *hau halai tuir mane* ne'e mak lezada histori malu ho arguidu nia inan no lezada fanu arguidu maibé arguidu hadeer kaer fali ho martilu ne'e mak lezada tauk halai monu iha baleta kuak liman hetan kanek. Akontese iha 01 Setembru 2019 lezada konfirma faktu hotu, motivu tanba lezada fila husi servisu arguidu

husu dehan o selingku karik lezada mós hatan sim hau selingku ne'e mak arguidu nervozu halo agresan. Akontese iha 05 Outubru 2019 arguidu manda video kona ba sunu estraga lezada nia dokumentu maibé arguidu bosok tanba dokumentu sira arguidu entrega fali ho kompleta.

### **Alegasaun finál**

Prokuradora haktuir katak bazeia ba produsaun prova ne'ebe produs iha audensia julgamentu. husu ba tribunál kondena arguidu tuir arguidu nia hahalok ne'ebe halo hasoru lezada.

Entretantu hosi parte defeza haktuir katak, arguidu halo agresan tanba deit lezada nia resposta ba arguidu dehan hau selingku, nu'udar la'en mós iha sentiment nu'udar ema, arrepende ba ninia hahalok no foin primeiravés mai hatan iha tribunál, nune'e husu ba tribunál fo pena maiz adekua ba arguidu.

### **Desizaun**

Depoisde avalia faktu sira hotu no bazeia produsaun prova tribunál halo altresauan juridiku ba fali artigu 145 KP kona-ba ofensa ba integriadde fizika simples nune'e faktu provadu mak arguidu tebe dala iha lezada nia hirus matan no uza liman sikun fai dala ida iha lezada nia ulun. Bazeia ba faktu provadu sira ne'e no tetu mós sirkunstánsia atenuante sira hanesan arguidu konfesa integralmente, kolabora ho tribunál, foin primeiravés mai hatan iha tribunál. nune'e tribunál konklui prosesu ne'e no kondena arguidu ho pena multa US\$60.00 ne'ebé arguidu sei selu US\$1.00 kada loraun durante loraun 60. Tribunál mós fiksa pena alternativa ba arguidu durante loraun 40 prizaun, bainhira arguidu la kumpri pena multa refere.

### **17. Krime maus-tratus ba kónjuje**

Nú. Prosesu	: 0017/22. VQSIC
Kompozisaun Tribunál	: Koletivu
Juis	: Dr. José António d. Escurial, Dra. Sribuana Costa no Dra. Maria Modesta d. A. Viera
Prokuradór	: Dr. Ambrósio Rangel Freitas
Defeza	: Dr. António Fernandes
Desizaun	: Pena prizaun tinan 3 suspende ba tinan 3

Iha 13 Marsu 2024, Tribunál Judisiál Primeira Instánsia Baukau prezide julgamentu leitura akordaun ba krime maus-tratus ba kónjuje ne'ebé envolve arguidu DGS hasoru nia feen, iha Munisípiu Vikeke.

### **Akuzasaun Prokuradór**

Prokuradór akuza katak iha 17 Novembru 2022, iha oras tuku 08:00 dadeer, arguidu tolok no foti tabaku Timor nia kain hodi baku dala rua iha lezada nia kanotak, hafoin basa dala rua iha lezada nia hasan parte karuk no buti lezada nia kakorok. Antes ne'e, arguidu dehan ba lezada atu tein etu maibé lezada daan fali hudi, nune'e mosu agresan ne'e.

Antes ne'e, iha loraun no fulan ne'ebé lezada haluha ona maibé iha tinan 2018, arguidu basa dala lima iha lezada nia hasan. Antes ne'e, arguidu dehan ba lezada atu ba hamos toos, maibé lezada lakohi, nune'e mosu agresan ne'e.



Iha tinan 2019, arguidu basa dala rua iha lezada nia hasan parte loos no karuk, ho motivu ne'ebé la klaru. Iha tinan 2020, arguidu basa dala rua iha lezada nia hasan parte karuk no loos. Antes agresau ne'e, arguidu ho lezada diskute malu kona-ba atu hadia uma, maibé lezada lakohi, nune'e mosu agresau ne'e no iha tinan 2021, arguidu basa dala haat iha lezada nia hasan no buti iha lezada nia kakorok ho motivu ne'ebé la klaru.

Prokuradór akuza arguidu kontra artigu 154 KP kona-ba maus-tratus ba konjuje ho moldura penál tinan 2 to'o tinan 6 konjuga ho artigu 2, 3(a), 35(a) no 36 LKVD.

### **Produsaun ba prova sira**

Iha prosesu julgamentu arguidu deklara katak faktu iha akuzasaun ne'e loos hotu, kaundu ko'alia la intende malu sempre mosu problema, arrepende ninia hahalok, foin primeravés mai hatan iha tribunál, di'ak malu ona ho lezada no to'o agora la baku ona lezada.

Entretantu lezada konfirma faktu hotu iha akuzasaun no deklara katak, bainhira diskute malu kona-ba nesesidade família nian arguidu sempre nervozu no halo agresau hasoru lezada.

### **Alegasaun finál**

Prokuradór haktuir katak arguidu konfesa integralmente ba faktu hotu iha akuzasaun sein reserva no lezada mós konfirma akuzasaun, arguidu halo tratamentu kruel hasoru lezada nu'udar nia feen, tuir loloos arguidu mak proteze maibé pelo kontaráriu arguidu mak halo fali agresau hasoru lezada, bainhira iha problema, nune'e husu ba tribunál atu kondena arguidu ho pena prizaun tinan rua suspende ba tinan rua.

Entretantu, defeza haktuir katak haree ba iha produsaun prova arguidu konfesa integralmente ba faktu hotu iha akuzasaun sein rezerva, arrepende nia hahalok no foin primeiravés mai hatan iha tribunál, nune'e husu ba tribunál fó pena ne'ebé garantia arguidu labele halo tan agresau hasoru lezada no ema ne'ebé moris hamutuk arguidu.

### **Desizaun**

Depoisde avalia faktu sira hotu, tribunál prova katak arguidu halo tratamentu kruel hasoru lezada hanesan, iha 17 Novembru 2022 arguidu foti tabaku Timor nia kain baku dala rua iha kanotak, basa dala rua hasan parte karuk no buti kakorok, iha tinan 2018 arguidu basa dala lima iha lezada nia hasan, Iha tinan 2019 arguidu basa dala rua iha lezada nia hasan parte loos no karuk, iha tinan 2020, arguidu basa dala rua iha lezada nia hasan parte karuk. Iha tinan 2021, arguidu basa dala haat iha lezada nia hasan no buti iha lezada nia kakorok.

Bazeia ba faktu provadu sira ne'e no tetu mós ho sirkunstánsia hotu-hotu ne'ebé haleu krime ne'e, nune'e tribunál konklui prosesu ne'e no kondena arguidu ho pena prizaun tinan tolu suspende ba tinan tolu.

## **18. Krime maus-tratus ba kónjuje**

Nú. Prosesu : 0026/22 VQOSU  
Kompozisaun Tribunál : Koletivu  
Juis : Dr. José António d. Escurial, Dra. Sribuana Costa  
no Dra. Maria Modesta d. A. Viera  
Prokuradór : Dr. Ambrósio rangel Freitas  
Defeza : Dr. Sidónio Maria Sarmiento  
Desizaun : Pena prizaun tinan 3 suspende ba tinan 3

Iha 13 Marsu 2024, Tribunál Judisiál Primeira instánsia Baukau prezide julgamentu leitura akordaun ba krime maus-tratus ba kónjuje ne'ebé envolve arguidu AdSG hasoru lezada nia feen, iha Munisípiu Vikeke.

### **Akuzasaun prokuradór**

Prokuradór akuza katak Iha 11 Juñu 2022, iha oras tuku 14:00 lokraik, arguidu basa dala tolu iha lezada nia hasan parte karuk no tebe dala tolu iha lezada nia kanotak. Hafoin iha kalan-boot arguidu lori lámína koa lezada nia ain tuban parte karuk. Antes ne'e, arguidu ho lezada diskute malu kona-ba arguidu haruka lezada fase rounpa, maibé lezada dehan orsida mak fase, nune'e mosu agresan ne'e.

Antes ne'e, iha loraun ne'ebé la apura, maibé iha fulan Janeiru 2022, arguidu tuku dala rua iha lezada nia hasan parte loos tanba lezada hasee arguidu simu telefone hosi fetu seluk. Iha loraun la apura maibé iha Marsu 2022, arguidu buti lezada nia kakorok no tebe dala rua iha lezada nia kanuruk, tanba lezada simu telefone hosi nia kolega.

Prokuradór akuza arguidu kontra artigu 154 KP kona-ba maus-tratus ba kónjuje ho moldura penál tinan 2 to'o tinan 6 no konjuga ho artigu 2, 3(a), 35(a) no 36 LKVD.

### **Produsaun ba prova sira**

Iha prosesu julgamentu, arguidu konfesa integralmente ba faktu sira iha akuzasaun no deklarata katak iha 11 Juñu 2022 arguidu baku duni lezada tanba book malu halimar mak lezada tuku arguidu nia matan parte karuk nune'e arguidu halo agresan hasoru lezada, kona-ba iha kalan lezada ba toba iha viziñu nia uma mak arguidu lori tuir lámína ne'ebé koa hela liman kukun ba fanu lezada mak lezada tebe no lezada nia ain kona lámína no rezulta kanek.

Iha Janeiru 2022, arguidu baku duni lezada no iha Marsu 2022 mós arguidu baku duni lezada tanba lezada telefone ba mane seluk iha arguidu nia oin mak arguidu halo agresan. Arguidu deklarata mós katak depoisde akontesementu iha Outubru 2022, arguidu ho lezada moris separa ona maibé arguidu konsidera lezada hanesan nia feen nafatin no tuir ba lezada nia uma maibé lezada nia família la simu arguidu.

Alende ne'e, lezada mós kontinua konfirma ba faktu hotu iha akuzasaun no deklarata katak moris hamutuk iha 2021, maibé separa ona iha Dezembru 2022, to'o agora no lezada lakohi moris hamutuk ona ho arguidu tanba arguidu baku hela deit. Lezada mós deklarata katak iha 11 Juñu 2022, lezada ba viziñu nia uma no arguidu bolu atu ba uma maibé lezada lakohi mak arguidu baku, iha

Janeiru 2022, arguidu kontaktu feto seluk no lezada husu tuir mak arguidu baku lezada no iha Marsu 2022, lezada simu telefone hosi nia kolega mane mak arguidu baku lezada.

### **Alegasaun finál**

Prokuradór haktuir katak iha julgamentu arguidu konfesa integralmente ba faktu no konfirma mós hosi lezada, provadu katak arguidu halo tratamentu aat hasoru lezada nu'udar nia feen durante moris hamutuk to'o agora, tanba ne'e husu ba tribunál atu kondena arguidu ho pena prizaun tinan rua suspende ba tinan tolu.

Entretantu parte defeza husu pena ne'ebé kmaan ba arguidu tanba arguidu konfesa totalmente ba faktu, hatudu katak arguidu kolabora ho justisa no arguidu mós sei konsidera lezada hanesan nia feen maibé lezada mak hakarak moris sepera hosi arguidu.

### **Desizaun**

Depoizde avalia faktu sira hotu, tribunál prova katak Iha 11 Juñu 2022, arguidu basa dala tolu iha lezada nia hasan parte karuk, tebe dala tolu iha lezada nia kanotak, uza lámína koa lezada nia ain tuban parte karuk. Iha Janeiru 2022, arguidu tuku dala rua iha lezada nia hasan parte loos. Iha Marsu 2022, arguidu buti lezada nia kakorok no tebe dala rua iha lezada nia kanuruk.

Bazeia ba faktu provadu sira ne'e no tetu mós ho sirkunstánsia hotu-hotu ne'ebé haleu krime ne'e, nune'e tribunál konklui prosesu ne'e no kondena arguidu ho pena prizaun tinan tolu suspende ba tinan tolu.

### **19. Krime ofensa ba integridade simples ho natureza VD no arma brankas**

Nú. Prosesu	: 0010/22. VQVQQ
Kompozisaun Tribunál	: Koletivu
Juis	: Dr. José António d. Escurial, Dra. Sribuana Costa no Dra. Maria Modesta d. A. Viera
Prokuradór	: Dr. Julio da Silva Correia
Defeza	: Dr. Antonio Fernandes
Desizaun	: Pena prizaun tinan 3 suspende ba tinan 3 no pena multa US\$30.00

Iha 13 Marsu 2024, Tribunál Judisiál Primeira Instánsia Baukau prezide julgamentu leitura akordaun ba krime ofensa ba integridade fizika simples ho natureza VD no arma brankas ne'ebé envolve arguidu MS hasoru nia feen no Estadu RDTL, iha Munisípiu Vikeke.

### **Akuzasaun Prokuradór**

Prokuradór akuza katak iha 25 Feveiru 2022, iha oras tuku 17:30 lokraik, arguidu tolok lezada no basa dala ida iha lezada nia kanuruk no uza katana nia belar baku dala ida iha lezada nia kanuruk rezulta bubu no moras. Antes agresaun ne'e, arguidu ho lezada diskute malu kona-ba arguidu haruka lezada foti ai-maran iha kareta laran maibé lezada lakohi, nune'e mosu agresaun ne'e.

Prokuradór akuza arguidu kontra artigu 145 KP kona-ba ofensa ba integridade fizika simples ho moldura penal to'o tinan 3 ka mluta konjuga ho artigu 2, 3(a), 35(b) no 36 LKVD no artigu 2(nú.1(b), nú. 2(f)) no artigu 20(nú.1) hosi Lei Nú. 5/2017 kona-ba Arte Marsiais, Rituais, Armas Brankas, Rama Ambon no Kinta Alterasaun Kódigu Penal.

### **Produsaun ba prova sira**

Iha prosesu julgamentu, arguidu deklara katak bainhira arguidu fila hosi buka karau mak tula ho ai-futun ida iha kareta, tanba arguidu kole no hamlaha ona ne'e mak haruka lezada atu hatun hela ai iha kareta laran, maibé lezada lakohi no arguidu komete aktu ne'e hasoru lezada. Arguidu deklara liután katak arrepende ninia hahalok no foin primeiravés mai hatan iha tribunál no to'o agora la baku ona lezada.

Alende ne'e, lezada kontinua konfirma faktu sira iha akuzasaun no lezada mós deklara katak nu'udar arguidu nia feen sigundu, depoisde akontese sira di'ak malu ona to'o agora arguidu la baku ona lezada.

### **Alegasaun finál**

Prokuradór haktuir katak bazeia ba argudu nia deklarasaun no lezada nia konfirmasaun ba akuzasaun, prokjuradór konsidera arguidu provadu komete krime rua ne'ebé imputa ba arguidu no arguidu nia aktu ne'e rezulta lezada sofre moras iha kanuruk no bubu. Tanba ne'e husu ba tribunál atu kondena arguidu ho pena únika tinan rua fulan neen no suspende ba tinan rua fulan neen.

Entretantu defeza akresenta katak bazeia ba produsaun ba prova ne'ebé produs iha audensia julgamentu parte defeza husu ba tribunál fó pena ne'ebé justu ba arguidu hodi evita arguidu nia hahalok iha futuro tanba arguidu iha feen rua.

### **Desizaun**

Depoisde avalia faktu sira hotu, tribunál prova katak arguidu basa dala ida iha lezada nia kanuruk no uza katana nia belar baku dala ida iha lezada nia kanuruk.

Bazeia ba faktu provadu sira ne'e no tetu mós ho sirkunstánsia atenuante sira hanesan arguidu konfesa integralmente, kolabora ho tribunál, foin primeiravés mai hatan iha tribunál. nune'e tribunál konklui prosesu ne'e no kondena arguidu ba krime arma brankas ho pena prizaun tinan tolu suspende ba tinan tolu no kondena arguidu ba krime ofensa ba integridade fizika simples ho natureza VD kondena ho pena multa US\$30.00, ne'ebé arguidu sei selu US\$1.00 kada lora durante lora 30. Tribunal mós fiksa pena alternativa durante lora 40 prizaun, bainhira arguidu la kumpri pena multa refere.

### **20. Krime ameasa no arma brankas**

Nú. Prosesu : 0027/22. VQOSU

Kompozisaun Tribunál : Koletivu

Juis : Dra. Maria Modesta d. A. Viera, Dr. José António

d. Escorial no Dra. Sribuana Costa  
Prokuradór : Dr. Ambrósio Rangel Freitas  
Defeza : Dr. António Fernandes  
Desizaun : Pena prizaun tinan 3 suspende ba tinan 3

Iha 13 Marsu 2024, Tribunál Judisiál Primeira Instánsia Baukau prezide julgamentu leitura akordaun ba krime ameasa no arma brankas ne'ebé envolve arguidu JdCM hasoru lezada EdCF no Estadu RDTL, iha Postu Administrativu Ossu, Munisípiu Vikeke.

### **Akuzasaun Prokuradór**

Prokuradór akuza katak iha 05 Jullu 2022, iha oras ne'ebé la apura maibé iha dadeer, lezada ba haree nia angiriaun ne'ebé kuda iha natar laran, haree karau tama ba natar laran sama estraga nia angiriuhan, tanba ne'e lezada nervozu hodi hotar karau na'in derepente arguidu mosu mai hatan nune'e "*hau nia karau kesi metin ho tali maibé lezada la hatan*". Depoisde ida ne'e arguidu ba tiha nia uma no nafatin kaer ho katana ba liu lezada nia uma, bainhira to'o iha lezada nia uma hasoru Sra. Ida no Sra, ne'e husu ba arguidu katak "*buka saida?*," arguidu hatan buka lezada atu ta niaibun koak no tetak rahun nia ruin sira. Tanba ne'e Sra. ta'uk hodi telefone kedas ba lezada atu labele mai uma tanba arguidu iha uma atu taa mate lezada.

Prokuradór akuza arguidu kontra artigu 157 KP kona-ba ameasa ho moldura penál tinan 1 ka multa no artigu 2(nú.1(b), nú. 2(f)) no artigu 20(nú.1) hosi Lei Nú. 5/2017 kona-ba Arte Marsiais, Rituais, Armas Brankas, Rama Ambon no Kinta Alterasaun Kódigu Penál.

### **Produsaun ba prova sira**

Iha prosesu julgamentu, arguidu deklara katak nia iha to'os uza hela katana hodi hamos to'os rona lezada ko'alia hotar, nune'e arguidu hatan "*hau nia karau kesi metin hela*". Arguidu rona lezada ko'alia hotar nafatin halo arguidu nervozu ba tiha nia uma no kontinua ba fali lezada nia uma maibé lezada la iha nune'e arguidu fila mak hasoru Sra. ne'e iha dalan hodi dehan katak atu konfirma kona-ba lezada nia liafuan hotar arguidu iha natar laran. Arguidu deklara liután katak la uza katana hodi ameasa lezada.

Alende ne'e, lezada deklara katak ba haree nia angriaun, mak haree karau sama no han estraga tiha maibé la hatene se nia karau, bainhira lezada ko'alia hafoin arguidu mosu hatan katak hau nia karau kesi metin hela ho tali. Iha ne'e lezada ba tiha hili-ai maran lakleur Sra. telefone dehan "*ita iha ne'ebe?*" arguidu buka tuir ó dehan atu taa rahun ó niaibun koak no taa rahun ó nia ruin, nune'e lezada ta'uk ba subar tiha, Sra. ne'e telefone tan dehan, arguidu tun fali ona, lezada ba subar iha nia tiun nia uma liu loron ida mak fila ba nia uma, lezada sei ta'uk to'o agora la halo ona angriaun iha fatin refere.

Testemuña LSG nu'udar lezada nia subriña depoimentu katak arguidu kaer katana fila hosi lezada nia uma mak testemuña hasee "*tiu buka se?*," arguidu hatan buka lezada atu taa niaibun ko'ak no nia ruin, nune'e testemuña telefone kedas lezada.

## **Alegasaun finál**

Prokuradór haktuir katak lezada ko'alia la temi ema ruma no la iha problema ho ema ruma, maibé arguidu mak sente iha problema, arguidu kaer katana buka lezada iha nia uma atu oho. Arguidu nia aktu ne'e rezulta lezada tauk to'o agora la halo ninia atividade iha angriaun fatin hodi sustenta ba nia moris, akuzasaun prokuradór prosedente provadu, tanba ne'e husu ba tribunál atu kondena arguidu ba pena prizaun tinan tolu suspende ba tinan tolu.

Entretantu, defeza haktuir katak haree ba iha produsaun prova arguidu la uza katana hodi ameasa lezada maibé testemuña mak hatauk lezada atraves hosi telefone la'os lezada mak ta'uk direita ba arguidu tanba lezada la haree apenas rona deit liuhosi telefone, tanba ne'e husu ba tribunál atu absolve arguidu hosi prosesu.

## **Desizaun**

Depoisode avalia faktu hotu, tribunál prova katak akuzasaun prokuradór provadu, bazeia ba konfirmasaun lezada nian no depoimentu testemuña LSG nia depoimentu katak arguidu nia konduta rezulta lezada tauk no to'o agora lezada EdCF la ba fatin angriaun nian.

Bazeia ba faktu provadu sira ne'e, tribunál konklui prosesu ne'e no kondena arguidu ho pena prizaun tinan tolu suspende ba tinan tolu.

### **21. Krime maus-tratus ba kónjuje**

Nú. Prosesu	: 0005/22 VQWCB
Kompozisaun Tribunál	: Koletivu
Juis	: Dr. José António d. Escurial, Dra. Sribuana da Costa no Dra. Maria Modesta d. A. Viera
Prokuradór	: Dr. Ambrósio Rangel Freitas
Defeza	: Dr. Sidónio Maria Sarmento
Desizaun	: Pena prizaun tinan 3 suspende ba tinan 3

Iha 13 Marsu 2024, Tribunál Judisiál Primeira instánsia Baukau prezide julgamentu leitura akordaun ba krime maus-tratus ba kónjuje ne'ebé envolve arguidu SPB hasoru nia feen, iha Munisípiu Vikeke.

### **Akuzasaun prokuradór**

Prokuradór akuza katak iha 22 Feveireiru 2022, iha oras tuku 22:35 kalan, la iha problema arguidu derepente tebe dala ida iha lezada nia ibun rezulta lezada nia ibun kanek no raan.

Antes ne'e, iha loron no fulan ne'ebé la apuradu maibé iha tinan 2020, arguidu basa dala rua iha lezada nia hasan parte loos no karuk. Antes agresaun ne'e, arguidu ho lezada diskute malu kona-ba mosu diskusaun kona-ba sira nia oan ne'ebé sei ki'ik tanis no iha loron no fulan ne'ebé la apuradu maibé iha tinan 2021, arguidu basa dala rua iha lezada nia hasan parte loos no karuk no tebe dala rua iha lezada nia kotuk-laran. Antes agresaun ne'e, arguidu ho lezada diskute malu kona-ba sira nia oan ne'ebé tanis.

Prokuradór akuza arguidu kontra artigu 154 KP kona-ba maus-tratus ba kónjuje ho moldura penál tinan 2 to'o tinan 6 konjuga ho artigu 2, 3(a), 35(a) no 36 LKVD.

### **Produsaun ba prova sira**

Iha prosesu julgamentu, arguidu deklara katak faktu sira iha kuzasaun ne'e loos, deklara tan katak motivu akontese iha 22 Feveireiru 2022 iha oras tuku 22:35 kalan ne'e kona-ba labarik tanis maibé lezada toba fila kotuk tiha ba labarik ne'e mak arguidu hirus.

Iha parte seluk, lezada kontinua konfirma faktu hotu iha akuzasaun no deklara katak hafoin akontesimentu ikus di'ak malu fali ho arguidu no to'o agora arguidu la baku ona lezada.

### **Alegasaun finál**

Prokuradór haktuir katak arguidu konfesa integralmente ba faktu hotu iha akuzasaun, arguidu nu'udar aman iha mós responsabilidade hanesan atu haree labarik la'os lezada de'it mak haree labarik, arguidu nia konduta ne'e priense krime maus-tratus ba kónjuje, tanba ne'e husu ba tribunál atu kondena arguidu ho pena prizaun tinan rua no suspende ba tinan tolu.

Enkuantu, defeza haktuir katak arguidu konfesa integralmente ba faktu hotu, di'ak malu ona ho lezada, arrepende ba ninia hahalok no foin primeiravés mai hatan iha tribunál, tanba ne'e husu ba tribunál fó pena kmaan ba arguidu.

### **Desizaun**

Depoizde avalia faktu hotu, tribunál prova katak arguidu basa dala rua iha lezada nia hasan parte loos no karuk, arguidu basa dala rua iha lezada nia hasan parte loos no karuk nomós tebe dala rua iha lezada nia kotuk-laran.

Bazeia ba faktu provadu sira ne'e no tetu mós ho sirkunstánsia atenuante sira hanesan arguidu konfesa faktu sira, arrepende ninia hahalok, di'ak malu ona ho lezada, foin primeiravés mai hatan iha tribunál, nune'e tribunál konklui prosesu ne'e no kondena arguidu ho pena prizaun tinan tolu suspende ba tinan tolu.

### **22. Krime maus-tratus ba kónjuje**

Nú. Prosesu	: 0005/23. VQOSU
Kompozisaun Tribunál	: Koletivu
Juis	: Dra. Sribuana Costa, Dr. José António d. Escurial no Dra. Maria Modesta d. A. Viera
Prokuradór	: Dr. Ambrósio Rangel Freitas
Defeza	: Dr. António Fernandes
Desizaun	: Pena prizaun tinan 3 suspende ba tinan 3

Iha 15 Marsu 2024, Tribunál Judisiál Primeira Instánsia Baukau prezide julgamentu leitura akordaun ba krime maus-tratus ba kónjuje ne'ebé envolve arguidu JHR hasoru nia feen, iha Munisípiu Vikeke.

### **Akuzasaun Prokuradór**

Prokuradór akuza katak iha 15 Marsu 2023, iha oras tuku 21:00 kalan, arguidu kaer tudik mak hateten ba lezada “*mangame sona mate kedas ó iha uma laran,*” Iha fali dadeersan iha tuku 09:00 arguidu tuku dala ida iha lezada nia matan laran parte loos, basa dala ida iha kanuruk rasta lezada ba rai no arguidu kontinua tebe dala rua iha kelen parte loos no silu lezada nia liman parte loos, momentu arguidu halo agresaun ne’e lezada grávida hela fulan lima. Antes agresaun ne’e, arguidu ho lezada diskute malu kona-ba lezada deskonfia arguidu amante (*selingkuh*) ho nia subriña.

Alende ne’e, iha loron no fulan ne’ebé la apuradu, maibé iha tinan 2019, arguidu mós baku lezada. Antes agresaun ne’e, arguidu ho lezada diskute malu kona-ba lezada deskonfia arguidu amante (*selingkuh*) ho nia subriña.

Prokuradór akuza arguidu kontra artigu 154 KP kona-ba maus-tratus ba kónjuje ho moldura penál tinan 2 to’o tinan 6 konjuga ho artigu 2, 3(a), 35(a) no 36 LKVD.

### **Produsaun ba prova sira**

Iha prosesu julgamentu, arguidu deklara katak faktu ne’ebé akontese 15 Marsu 2023, no loron tuir mai iha oras tuku 09:00 dadeer ne’e loos hotu, kona-ba faktu akontese iha tinan 2019, tribunál halo ona julgamentu no kondena arguidu ho pena multa US\$310.00 no selu ona iha banku BNU Baukau no deklara katak hafoin akontesimentu lezada ba hela tiha iha Uma-Mahon no bainhira lezada fila hosi Uma-Mahon di’ak malu fali ho arguidu no to’o agora arguidu la baku ona lezada.

### **Alegasaun finál**

Prokuradór haktuir katak, mezmú kazu ne’e akontese iha tinan 2019, no tranzitu no julgadu ona, maibé aktu ne’ebé arguidu komete, nafatin tratamentu kruel hasoru lezada nu’udar feen, hanesan iha 15 Marsu 2023, lezada isin rua hela arguidu ameasa halo lezada hanoín barak, loron tuir mai arguidu tuku dala ida iha lezada nia matan laran parte loos, basa dala ida iha lezada nia kanuruk rasta lezada ba rai no arguidu kontinua tebe dala rua iha lezada nia kelen parte loos no silu lezada nia liman parte loos, tanba ne’e husu ba tribunál atu kondena arguidu ho pena prizaun tinan tolu suspende ba tinan haat.

Entretantu, defeza haktuir katak depoisde produsaun ba prova husu ba tribunál atu halo alterasaun jurídiku hosi artigu 154 kona-ba maus-tratus ba kónjuje ba fali artigu 145 KP kona-ba ofensa ba integridade fízika simples ho natureza violénsia doméstika no husu ba tribunál atu kondena arguidu ho pena ne’ebé justu.

### **Desizaun**

Depoisde avalia faktu sira hotu, tribunál prova katak arguidu kaer tudik mak hateten ba lezada katak “*mangame sona mate kedas ó iha uma laran,*” arguidu mós tuku dala ida iha lezada nia matan laran parte loos, basa dala ida iha lezada nia kanuruk rasta lezada ba rai no arguidu kontinua tebe dala rua iha lezada nia kelen parte loos no silu lezada nia liman parte loos, agresaun ne’e lezada sei grávida hela fulan lima.



Bazeia ba faktu provadu sira ne'e no tetu mós ho sirkunstánsia atenuante sira hanesan arguidu konfesa integralmente, kolabora ho tribunál. nune'e tribunál konklui prosesu ne'e no kondena arguidu ba pena prizaun tinan tolu suspende ba tinan tolu.

### **23. Krime arma brankas**

Nú. Prosesu	: 0013/19. BCQLC
Kompozisaun Tribunál	: Koletivu
Juis	: Dra. Maria Modesta no Dr. José António d. Escurial, no Dra. Sribuana da Costa
Prokuradór	: Dr. Bartolomeu de Araújo
Defeza	: Dr. Sidónio Maria Sarmiento
Desizaun	: Pena prizaun tinan 4

Iha 15 Marsu 2024, Tribunál Judisiál Primeira Instánsia Baukau prezide leitura akordaun ba krime arma brankas ne'ebé envolve arguidu BM (*edital*) hasoru lezadu no Estadu RDTL, iha Postu Administrativu Kelikai, Munisípiu Baukau.

#### **Akuzasaun prokuradór**

Prokuradór akuza katak iha 12 Novembru 2019, iha oras tuku 21:00 kalan, testemuña AdCM ba kioske, haree konfrontu entre joven hosi Bairro maklama ho Bairro Afirma, nune'e testemuña ba hakalma no haree ema balun tuda kona testemuña nia ain, derepenti testemuña haree arguidu uza rama ambon hana dala ida kona iha testemuña nia kotuk laran no testemuña haree arguidu, tanba iha akontesimentu ne'e eletrisidade lakan naroman loos.

Prokuradór akuza arguidu kontra artigu 2(nú.1(b), nú. 2(f)) no artigu 20(nú.1) hosi Lei Nú. 5/2017 kona-ba Arte Marsiais, Rituais, Armas Brankas, Rama Ambon no Kinta Alterasaun Kódigu Penál

#### **Produsaun ba prova sira**

Iha julgamentu produsaun ba prova ne'e arguidu edital, tanba arguidu ba tiha ona rai liur (*Nasaun Portugal*).

Entretantu, testemuña Mario Xavier nu'udar membru KPK depoimentu katak rona mosu problema entre joven ne'e mak testemuña ba hakalma maibé ema balun tuda kona fali testemuña, nune'e testemuña ba tiha uma mak kontaktu fali Polísia, la iha kuñesementu kona-ba arguidu hana testemuña AdCM.

Testemuña AdCM depoimentu katak testemuña ba sosa sigaru iha kioske mak haree mosu problema entre joven sira, nune'e testemuña ba hakalma ema balun tuda mais testemuña la preokupa no kontinua hakalma nafatin, derepente testemuña haree arguidu hamrik maizumenus metru sanolu resin lima (15), mak hana testemuña kona iha kotuk laran hafoin testemuña hakilar "*Bazilio ó hana tiha hau ó halai fali ga?*". Testemuña ba halo tratamentu iha Ospital Regional Baukau halo operasaun mak hasai rama ambon hosi arguidu nia kotuk no baixa semana ida foin alta hosi Ospital Regional Baukau.

## **Alegasaun finál**

Prokuradór haktuir katak, mezmu iha julgamentu arguidu edital, maibé testemuña AdCM konfirma ho akuzasaun katak arguidu hana tiha testemuña, atu halai mak testemuña hakilar “*Bazilio ó hana tiha hau ó halai fali ga?*” katak arguidu nia konduta ne’e priense krime arma brankas. Tanba ne’e husu ba tribunál atu kondena arguidu ho pena prizaun tinan haat.

Entretantu, defeza haktuir katak mezmu iha julgamentu arguidu edital, maibé testemuña nafatin konfirma faktu sira iha akuzasaun, tanba ne’e parte defeza konkorda ho alegasaun prokuradór nian.

## **Desizaun**

Depoizde avalia faktu sira hotu, tribunál prova katak testemuña haree arguidu uza rama ambon mak hana dala ida kona iha testemuña kotuk laran. Bazeia ba faktu provadu sira ne’e tribunál konklui prosesu ne’e no kondena arguidu ba pena prizaun tinan haat.

### **24. Krime arma brankas**

Nú. Prosesu : 0005/22. LALMAR  
Kompozisaun Tribunál : Koletivu  
Juis : Dra. Maria Modesta d. A. Viera, Dr. José António d. Escurial no Dra. Sribuana Costa  
Prokuradór : Dr. Bartolomeu de Araújo  
Defeza : Dr. Grigório M. L. de Lima  
Desizaun : Pena prizaun tinan 3 suspende ba tinan 3

Iha 21 Marsu 2024, Tribunál Judisiál Primeira Instánsia Baukau prezide julgamentu leitura akordaun ba krime arma brankas ne’ebé envolve arguidu LdC no JJdC hasoru Estadu RDTL, iha Postu Administrativu Iliomar, Munisípiu Lautein.

### **Akuzasaun Prokuradór**

Prokuradór akuza katak iha 04 Jullu 2022, iha oras tuku 11:00 dadeer, testemuña lori motosera (*sensor*) koa hela ai-teka hafoin arguidu sira ho katana ba insulta no ameasa testemuña Julio Madeira katak atu taa fera testemuña Julio Madeira niaulun. Antes ne’e iha ona problema kona-ba se mak nain ba ai-teka ne’e.

Prokuradór akuza arguidu kontra artigu 2(nú.1(b), nú. 2(f)) no artigu 20(nú.1) hosi Lei Nú. 5/2017 kona-ba Arte Marsiais, Rituais, Armas Brankas, Rama Ambon no Kinta Alterasaun Kódigu Penál.

### **Produsaun ba prova sira**

Iha prosesu julgamentu, arguidu sira deklara katak hanesan katak sira uza duni katana ho liafuan insulta ho intensaun atu testemuña sira hapara sira nia atividade koa ai-teka, arrepende ba sira nia hahalok no foin primeiravés hatan iha tribunál.

Iha julgamentu ne’e prokuradór husu atu presindi testemuña, ninia deklarasaun, tanba arguidu konfesa faktu hotu iha akuzasaun.

### **Alegasaun finál**

Prokuradór haktuir katak, iha produsuan ba prova arguidu deklarara katak uza katana hodi ameasa testemuña ho rezultadu testemuña ta'uk katana ne'ebé arguidu sira uza hodi ameasa testemuña. Tanba ne'e husu ba tribunál atu kondena kada arguidu ho pena prizaun minimu hosi krime ne'e no suspende ba períodu ne'ebé hanesan.

Entretantu defeza husu ba tribunál atu kondena arguidu ho pena ne'ebé adekuaudu ho konsiderasaun katak arguidu sira konfesa, arrepende sira ninia hahalok no foin primeiravés mai hatan iha tribunál.

### **Desizaun**

Depoizde avalia faktu hotu, tribunál prova katak arguidu na'in rua ho katana ba insulta no ameasa atu taa fera testemuña Julio Madeira nia ulun.

Bazeia ba faktu provadu sira ne'e no tetu mós ho sirkunstánsia atenuante sira hanesan arguidu konfesa, arrepende ninia hahalok no foin primeiravés mai hatan iha tribunál, nune'e tribunál konklui prosesu ne'e no kondena arguidu ho pena prizaun tinan tolu suspende ba tinan tolu.

### **25. Krime arma brankas**

Nú. Prosesu	: 0052/21. LASIC
Kompozisaun Tribunál	: Koletivu
Juis	: Dra. Maria Modesta d. A. Viera, Dr. José António d. Escorial no Dra. Sribuana Costa
Prokuradór	: Dr. Ambrósio Rangel Freitas
Defeza	: Dr. Albino de Jesus Perreira
Desizaun	: Pena prizaun tinan 3 suspende ba tinan 3

Iha 13 Marsu 2024, Tribunál Judisiál Primeira Instánsia Baukau prezide julgamentu leitura akordaun ba krime arma brankas ne'ebé envolve arguidu BC no HC hasoru Estadu RDTL, iha Postu Administrativu Lospalos, Munisípiu Lautein.

### **Akuzasaun Prokuradór**

Prokuradór akuza katak iha 02 Agostu 2021, iha oras tuku 08:00 dadeer, arguidu sira ho motorizada ba para kedas iha fatin halo karau luhan ni'an, arguidu BC kaer diman ida no arguidu HC kaer katana, arguidu husu testemuña nune'e "*ó nia karau hira fali mak ó halo bei-beik karau luhan iha ne'e*", no dehan tan "*ó agora mate ho diman ida ne'e se ó la mate hau la'os mane,*" tanba ne'e testemuña ta'uk halai hafoin arguidu HC duni tuir no hakilar kaer oho tiha nia. Antes ne'e arguidu sira nia karau lakon bei-beik ne'e mak arguidu sira lakohi testemuña halo karau luhan iha fatin refere.

Prokuradór akuza arguidu kontra artigu 2(nú.1(b), nú. 2(f)) no artigu 20(nú.1) hosi Lei Nú. 5/2017 kona-ba Arte Marsiais, Rituais, Armas Brankas, Rama Ambon no Kinta Alterasaun Kódigu Penál.

### **Produsaun ba prova sira**

Iha prosesu julgamentu, arguidu sira konfesa faktu hotu iha akuzasaun, arrepende sira ninia hahalok no foin primeiravés mai hatan iha tribunál.

Prokuradór husu ba tribunál atu presinde testemuña ninia deklarasaun, tanba arguidu na'in rua konfesa faktu hotu iha akuzasaun.

### **Alegasaun finál**

Prokuradór konsidera arguidu sira provadu komete krime ne'ebé imputa ba sira na'in rua, bazeia ba konfisaun arguidu ni'an rua nian, atu evita arguidu na'in rua labele repete tan aktu hanesan iha futuro, husu ba tribunál atu kondena kada arguidu ho pena prizaun tinan tolu suspende ba tinan tolu.

Entretantu, defeza husu ba tribunál atu kondena arguidu ho pena prizaun maibé suspende ninia ezekusaun ho konsiderasaun katak arguidu sira konfesa, arrepende sira ninia hahalok no foin primeiravés mai hatan iha tribunál.

### **Desizaun**

Depoizde avalia faktu hotu, tribunál prova katak arguidu BC kaer diman hodi ameasa atu oho testemuña nune'e testemuña halai arguidu HC duni tuir no hakilar kaer oho tiha nia.

Bazeia ba faktu provadu sira ne'e no tetu mós ho sirkunstánsia atenuante sira hanesan arguidu na'in rua konfesa faktu sira, arrepende sira ninia hahalok no foin primeiravés mai hatan iha tribunál, nune'e tribunál konklui prosesu ne'e no kondena arguidu sira ho pena prizaun tinan tolu suspende ba tinan tolu.

### **26. Krime ofensa ba integridade fízika simples ho natureza VD**

Nú. Prosesu	: 0013/23. PDBAU
Kompozisaun Tribunál	: Singulár
Juisa	: Dra. Maria Modesta d. A. Viera
Prokuradora	: Dra. Remizia de Fátima da Silva
Defeza	: Dra. Laura Valente Lay
Desizaun	: Pena prizaun fulan 3 suspende ab tinan 1

Iha 25 Marsu 2024, Tribunál Judisiál Primeira Instánsia Baukau prezide julgamentu leitura sentensa ba krime ofensa ba integridade fízika simples ho natureza VD ne'ebé envolve arguidu CSM no arguida AF hasoru lezada BS, iha Munisípiu Baukau.

### **Akuzasaun Prokuradór**

Prokuradór akuza katak arguidu CSM nu'udar lezada nia la'en no arguida AF nu'udar lezada nia prima, katak iha 15 Janeiru 2023, iha oras tuku 12:00 meiodia lezada kaer toman arguidu toba hamutuk ho arguida iha lezada nia kuartu laran, bainhira lezada hase'e arguidu sira, lezada konsege dudu monu tiha arguidu ba iha rai. Hafoin arguidu hamrik fali kaer metin lezada nia liman mak arguida lori fatuk hodi tuku lezada nia inus rezulta kanek no raan sai maka'as. La to'o iha ne'e de'it arguidu kontinua lori fatuk tuku dala rua iha lezada nia reen-toos parte karuk, tuku dala ida iha lezada nia ulun no lezada ba halo tratamentu iha PRADET Baukau no hela iha Uma-Mahon Baukau.

Prokuradór akuza arguidu CSM kontra artigu 145 KP kona-ba ofensa ba integridade fízika simples ho moldura penál to'o tinan 3 ka multa konjuga ba artigu 2, 3(a), 35 (b) no 36 LKVD no arguida AF kontra artigu 145 KP kona-ba ofensa ba integridade fízika simples ho moldura penál to'o tinan 3 ka multa.

### **Produsaun ba prova sira**

Iha prosesu julgamentu, arguidu CSM deklara katak arguidu no arguida la'os toba iha arguidu no lezada nia kuartu maibé toba iha arguidu nia inan-aman nia kuartu. Arguidu CSM deklara katak fulan ida ona halimar iha nia inan-aman nia uma, tanba haree arguidu nia aman ne'ebé moras no arguidu mak kontaktu arguida sira hasoru malu toba iha arguidu nia inan-aman nia kuartu la'os arguidu ho lezada nia kuartu. Bainhira lezada toman arguidu ho arguida iha kuartu laran, arguidu la'o sai tiha ba liur mak arguida ho lezada baku malu iha uma laran, nune'e arguidu ba sori netik arguida ho lezada nune'e arguida ho lezada forsa liu sira na'in tolu monu hotu ba rai la'os arguidu mak halo agresaun. Agora dadauk arguidu ho arguida moris hamutuk nu'udar feen-la'en. Entretantu arguidu ho lezada moris separa ona no labarik na'in rua hela hamutuk ho lezada.

Arguida AF nega totalmente ba faktu iha akuzasaun no deklara katak arguidu mak kontaktu sira ba hasoru malu iha arguidu nia uma, sira nain rua iha tiha kuartu laran mak lezada hetan sira iha kuartu laran arguidu sai tiha ba liur mak lezada dudu arguida no lees arguida nia faru, iha ne'e lezada ba tiha nia uma no arguida mós halai tiha ba nia uma.

Alende ne'e, lezada deklara katak momentu ne'e ba arguidu nia inan-aman nia uma atu foti sertidaun mak hetan arguidu no arguida iha kuartu laran, arguida emidiata hatan ba lezada katak "*ami rua atu hola malu ona*". Kona-ba faktu lezada konfirma akuzasaun no sira moris separa ona, agora dadauk arguidu moris hamutuk fali ona ho arguida.

Testemuña CM nu'udar lezada nia inan depoimenta katak momentu iha uma mak lezada ba fó hatene kona-ba akontesimentu ne'e katak arguidu no arguida mak baku lezada, nune'e testemuña bolu kareta lori lezada ba Sentru Saúde Laga.

### **Alegasaun finál**

Prokuradór haktuir katak mezmú arguidu no arguida nega faktu ne'ebé imputa ba sira na'in rua, maibé lezada konfirma faktu hotu iha akuzasaun inklui relatóriu médiku no fotografia hatudu katak lezada inus kanek no raan, isin sira hetan bubu. Arguidu na'in rua nia aktu ne'e priense krime ne'ebé imputa ba sira, tanba ne'e husu ba tribunál atu kondena arguidu na'in rua ho pena prizaun tinan ida suspende ba tinan ida.

Entretantu defeza husu ba tribunál atu kondena arguidu no arguida ho pena ne'ebé justu ho konsiderasaun katak arguidu CSM apenas satan netik bainhira lezada ho arguida baku malu, arguida AF deklara katak lezada mak lees nia faru no testemuña la iha kuñesementu kona-ba akontesementu ne'e.

## **Desizaun**

Depoisde avalia faktu sira hotu, tribunál fira liu lezada nia deklarasaun ne'ebé konfirma akuzasaun iha audensia julgamentu.

Bazeia ba faktu provadu sira ne'e no tetu mós ho sirkunstánsia hotu ne'ebé haleu krime ne'e, nune'e tribunál kondena arguidu no arguida ho pena prizaun fulan tolu suspende ba tinan ida.

### **27. Krime ofensa ba integridade física simples ho natureza VD**

Nú. Prosesu : 0004/23. BCLLB  
Kompozisaun Tribunál : Singulár  
Juis : Dr. José António d. Escorial  
Prokuradór : Dr. Ambrósio Rangel Freitas  
Defeza : Dr. Sidónio Maria sarmento  
Desizaun : Pena multa US\$30.00

Iha 26 Marsu 2024, Tribunál Judisiál Primeira Instánsia Baukau prezide leitura sentensa ba krime ofensa ba integridade física simples ho natureza VD ne'ebé envolve arguidu DdCS hasoru nia feen, iha Munisípiu Baukau.

### **Akuzasaun Prokuradór**

Prokuradór akuza katak iha 07 Jullu 2023, iha oras tuku 15:00 lokraik, arguidu tuku dala rua iha lezada niaulun, tuku dala ida iha lezada nia reen-toos baku dala ida ho ai iha lezada nia liman kabun parte karuk. Antes agresau ne'e, arguidu ho lezada diskute malu kona-ba arguidu deskonfia lezada amante (*selingkuh*) ho mane seluk.

Prokuradór akuza arguidu kontra artigu 145 KP kona-ba ofensa ba integridade física simples ho nia moldura penál to'o tinan 3 ka multa, konjuga ho artigu 2, 3(a), 35(b) no 36 LKVD.

### **Produsaun ba prova sira**

Iha prosesu julgamentu, arguidu deklara katak bainhira arguidu fila hosi natar lezada deskonfia arguidu ba fetu seluk, nune'e arguidu tuku dala ida iha lezada nia reen-toos no basa dala ida iha lezada nia hasan parte loos. Arguidu deklara liután katak depoisde akontesementu ne'e sira di'ak malu ona, arrepende ninia hahalok primeiravés mai hatan iha tribunál no arguidu nu'udar agrikultór rezultadu hodi sustenta de'it ba família.

Alende ne'e, lezada konfirma faktu hotu iha akuzasaun, depoisde akontese sira di'ak malu ona, to'o agora arguidu la baku ona lezada.

### **Alegasaun finál**

Prokuradór haktuir katak arguidu konfesa parsial ba faktu iha akuzasaun, maibé lezada konfirma ho akuzasaun, nune'e atu prevene arguidu nia hahalok ne'e iha futuro hodi labele hatoman-an rezolve problema ho krime, nune'e husu ba tribunál atu kondena arguidu ho pena multa.

Entretantu, defeza haktuir katak arguidu deklara de'it faktu ne'ebé nia komete mak tuku dala ida iha lezada nia reen-toos no basa dala ida iha lezada nia

hasan parte loos, arrepende ninia hahalok no foin primeiravés mai hatan iha tribunál. Tanba ne'e husu ba tribunál atu aplika pena ne'ebé kmaan ba arguidu.

### **Desizaun**

Depoizde avalia faktu sira hotu, tribunál prova katak arguidu tuku dala rua iha lezada nia ulun, tuku dala ida iha lezada nia reen-toos no baku dala ida ho ai- iha lezada nia liman kabun parte karuk.

Bazeia ba faktu provadu sira ne'e no tetu mós sirkunstánsia atenuante sira hanesan arguidu arrepende ninia hahalok, diak malu ona ho lezada, foin primeiravés mai hatan iha tribunál, nune'e tribunál konklui prosesu ne'e no kondena arguidu ho pena multa US\$30.00 ne'ebé arguidu sei selu US\$1.00 kada loron durante loron 30. Tribunál mós fiksa pena alternativa durante loron 20 prizaun, bainhira arguidu la kumpri pena multa refere.

### **28. Krime ofensa ba intgridade fizika simples ho natureza VD**

Nú. Prosesu : 0080/23.BCBCV  
Kompozisaun Tribunál : Singulár  
Juis : Dra. Sribuana da Costa  
Prokuradór : Dr. Ambrósio Rangel Freitas  
Defeza : Dr. António Fernandes  
Desizaun : Pena multa US\$30.00

Iha 26 Marsu 2024, Tribunál Judisiál Primeira Intánsia Baukau prezide julgamentu leitura sentensa ba krime ofensa ba intgridade fizika simples ho natureza VD ne'ebé envolve arguidu AMS hasoru nia feen, iha Munisípiu Baukau.

### **Akuzasaun Prokuradór**

Prokuradór akuza katak iha data ne'ebé la apura maibé iha fulan Novembru 2022, arguidu basa dala rua iha lezada nia hasan parte loos no tuku dala tolu iha lezada nia ulun.

Tuir mai iha 15 Abril 2023, iha oras tuku 18:30 lokraik, arguidu basa dala haat iha lezada nia hasan parte loos no karuk. Antes agresau ne'e, arguidu ho lezada diskute malu kona-ba atu hamos du'ut iha uma oin.

Prokuradór akuza arguidu kontra artigu 145 KP kona-ba ofensa ba integridade fizika simples ho moldura penál to'o tinan 3 ka multa, konjuga ho artigu 2, 3(a), 35(b) no 36 LKVD.

### **Produsaun ba prova sira**

Iha prosesu julgamentu, arguidu deklara katak faktu hotu iha akuzasaun ne'e loos hotu, di'ak malu ona ho lezada, arrepende ninia hahalok, foin primeiravés mai hatan iha tribunál akontese to'o agora arguidu la baku ona lezada no arguidu nu'udar motorista ba kareta microlet ho vensimentu kada fulan US\$200.00.

Alende ne'e, lezada continua konfirma faktu hotu iha akuzasaun no deklara katak akontese ikus lezada ba hela iha Uma-Mahon durante seman ida, hafoin

Uma-Mahon kontaktu arguidu no arguidu ba simu fali lezada iha Uma-Mahon to'o agora lezada ho arguidu moris hamutuk nafatin no arguidu la baku ona lezada.

### **Alegasaun finál**

Prokuradór konsidera arguidu provadu komete krime hasoru lezada no tuir loloos arguidu mak proteze lezada, maibé pelu kontrariu arguidu mak halo fali agresaun agresaun hasoru lezada. Tanba ne'e husu ba tribunál atu kondena arguidu ho pena multa.

Entretantu, defeza haktuir katak arguidu konfesa faktu hotu iha akuzasaun, arrepende ninia hahalok, di'ak malu ona ho lezada no foin primeiravés mai hatan iha tribunál, tanba ne'e husu ba tribunál atu kondena arguidu ho pena ne'ebé justu.

### **Desizaun**

Depoisde avalia faktu sira hotu, tribunál prova katak arguidu basa dala rua iha lezada nia hasan parte loos no tuku dala tolu iha lezada nia ulun, basa dala haat iha lezada nia hasan parte loos no karuk.

Bazeia ba faktu provadu sira ne'e no tetu mós ho sirkunstánsia atenuante sira hanesan arguidu konfesa, arrepende ninia hahalok, diak malu ona ho lezada, foin primeiravés mai hatan iha tribunál. Nune'e tribunál konklui prosesu ne'e no kondena arguidu ho pena multa US\$30.00 ne'ebé arguidu sei selu US\$0,50 sentavus kada loron durante loron 60. Tribunál mós fiksa pena alternativa durante loron 40 prizaun, bainhira arguidu la kumpri pena multa refere.

### **29. Krime omísidiu negligente**

Nú. Prosesu	: 0056/22. MNSTR
Kompozisaun Tribunál	: Singulár
Juis	: Dr. José António d. Escurial
Prokuradór	: Dr. Ambrósio Rangel Freitas
Defeza	: Dr. António Fernandes
Desizaun	: Pena prizaun tinan 3 suspende ba tinan 3

Iha 26 Marsu 2024, Tribunál Judisiál Primeira Instánsia Baukau prezide julgamentu leitura sentensa ba krime omísidiu negligente ne'ebé envolve arguidu Paulus Caset hasoru vítima Francisco Martins, iha área Subaun, Suku Elimanu, Postu Administrativu Manatuto, Munisípiu Manatuto.

### **Akuzasaun Prokuradór**

Prokuradór akuza katak iha 02 Outubru 2022, iha oras tuku 19:30 dadeer, arguidu kondús kareta bus ho Nú. Matrikula 36.707 hosi Lospalos atu ba Dili tula ho pasajeiru hamutuk eman na'in 12 no tara motor ida iha kotuk, bainhira to'o iha Área Subaun nian derepente arguidu sama travaun la hetan, hakiduk ba kotuk hodi halai sai hosi estrada, nune'e rezulta vítima monu no kanek grave, konsege lori ba Óspital Nasionál Guido Valadares, no hosi rezultadu médiku hatudu katak vítima hetan tohar barak iha nia isin no iha 17 Outubru 2022, rezulta vítima lakon vida (hakotu i'is). Arguidu ho karreta na'in ajuda ona vítima nia serimónia funerál ho osan US\$5,000.00.



Prokuradór akuza arguidu kontra artigu 140 (1) KP kona-ba omisídiu negligente ho nia moldura penál to'o tinan 4 ka multa.

### **Produsaun ba prova sira**

Iha prosesu julgamentu, arguidu deklara katak faktu iha akuzasaun ne'e loos hotu, arguidu kondus kareta desde tinan 1998, arrepende ninia hahalok, foin primeiravés mai hatan iha tribunál, depoisde akontese arguidu ho kareta na'in ajuda ona lezadu nia serimónia funebre ho osan US\$5,000.00.

Alende ne'e testemuña TdJA nu'udar vítima nia feen depoimenta katak ho família simu ona osan US\$5,000.00 hosi arguidu no kareta na'in.

### **Alegasaun finál**

Prokuradór haktuir katak arguidu nia hahalok ne'e priense duni krime ne'ebé prokuradór imputa ba nia katak arguidu falta kuidadu mak rezulta vítima lakon vida (*hakotu i'is*), akuzasaun prokuradór prosedente provadu bazeia ba produsaun prova iha audénsia julgamentu, tanba ne'e husu ba tribunál atu kondena arguidu ho pena multa.

Entretantu, defeza haktuir katak arguidu konfesa faktu hotu sira iha akuzasaun, depoisde akontese arguidu ho kareta na'in ajuda vítima nia serimónia funebre ho osan US\$5,000.00, arrepende ninia hahalok no foin primeiravés mai hatan iha tribunál, tanba ne'e husu ba tribunál atu fó pena ne'ebé justu ba arguidu.

### **Desizaun**

Depoisde avalia faktu sira hotu, tribunál prova katak arguidu sama travaun kareta nian la hetan, kareta hakiduk ba kotuk no halai sai hosi estrada, rezulta vítima monu no hetan kanek grave, konsege ba halo tratamentu iha HNGV Dili, maibé la konsege salva vítima nia vida (*hakotu i'is*). Prova mós katak arguidu ho karreta na'in ajuda ona vítima nia serimónia funebre ho montante osan US\$5,000.00.

Bazeia ba faktu provadu sira ne'e no tetu mós ho sirkunstánsia atenuante sira hanesan arguidu konfesa, arrepende ninia hahalok, foin primeiravés mai hatan iha tribunál, nune'e tribunál konklui prosesu ne'e no kondena arguidu ho pena prizaun tinan tolu suspende ba tinan tolu.

### **30. Krime arma brankas**

Nú. Prosesu	: 0123/23. BCBCV
Kompozisaun Tribunál	: Koletivu
Juis	: Dr. José António d. Escurial, Dra. Sribuana da Costa no Dra. Maria Modesta d. A. Viera
Prokuradór	: Dr. Ambrósio Rangel freitas
Defeza	: Dr. António Fernandes
Desizaun	: Absolve

Iha 27 Marsu 2024, Tribunál Judisiál Primeira Instánsia Baukau prezide julgamentu leitura akordaun ba krime arma brankas ne'ebé envolve arguidu

Domingos da Silva Soares hasoru Estadu RDTL, iha Postu Administrativu Baukau Vila, Munisípiu Baukau.

### **Akuzasaun Prokuradór**

Prokuradór akuza katak, iha 25 Agostu 2023, iha oras tuku 21:30 kalan, arguidu ho testemuña tuur hamutuk hemu hela tua no mosu diskusaun kona-ba labarik arguidu ko'alia barak lezada ta'uk subar tiha katana, testemuña ta'uk halai tiha nune'e arguidu ho katana halai tuir testemuña to'o iha dalan hasoru polisia nune'e polisia foti tiha katana.

Prokuradór akuza arguidu kontra artigu 2(nú.1(b), nú. 2(f)) no artigu 20(nú.1) hosi Lei Nú. 5/2017 kona-ba Arte Marsiais, Rituais, Armas Brankas, Rama Ambon no Kinta Alterasaun Kódigu Penál.

### **Produsaun ba prova sira**

Iha prosesu julgamentu, arguidu deklara katak testemuña nu'udar nia feen kalan sira na'in rua hemu tua mutin jerigen ida, derepente arguidu haree testemuña la iha ne'e mak arguidu ta'uk, lezada kondisaun lanu no la'o monu mate-an, tanba kalan arguidu mós ta'uk kaer katana iha liman mak la'o buka lezada hetan karik atu lori fali ba uma, derepente polisia ho kareta para foti tiha katana refere.

Entretantu testemuña nu'udar arguidu nia feen, testemuña hili direitu nonook tanba iha relasaun besik loos ho arguidu.

### **Alegasaun finál**

Prokuradór haktuir katak iha produsaun ba prova arguidu deklara lori katana maibé la utiliza ba krime ruma, tanba ne'e husu ba tribunál atu absolve arguidu hosi prosesu no fó fila objetu ba arguidu.

Entretantu hosi parte defeza haktuir katak arguidu nu'udar agrikultór, la'o kalan tauk kaer katana iha liman hodi buka nia testamuña nu'udar nia feen tanba testamuña hemu tua kondisaun lanu ona no arguidu tauk tesatmuna monu mate-an, derepente Polisia hetan arguidu no foti tiha arguidu nai katana, tanba ne'e parte defeza konkorda prokuradór nia alegasaun.

### **Desizaun**

Depoisde avalia faktu sira hotu, tribunál konsidera faktu sira la suficiente hodi prova katak arguidu útiliza katana hodi halo krime, nune'e tribunál konklui prosesu ne'e hodi absolve arguidu hosi prosesu no fó fila objetu ba arguidu.

### **Atu hetan informasaun kompleitu, favór kontaktu:**

Ana Paula Marçal  
Diretora Ezekutiva JSMP  
Diresaun e-mail: [ana@jsmp.tl](mailto:ana@jsmp.tl)  
Telefone: (+670) 33238883 | 77040735  
Website: <https://jsmp.tl>

